


Liuka Na Seteko

Ya Chiyoyelo Chalyo

 Musongo wakuhona kusoloka chikuma kuli mwana atela kumwanuka chino chimene mukulomba, shikaho etu twatondo vosena kulinga ngocho. Va ndotolo kavatachikijile navakiko nawa. Vakiko vauhana lijina limwe, oloze Ngwashinganyeka vakiko vapangile limwe nakumuhana, vakiko—vakiko kavejivile ko uli uka. Kaha, oloze Kulishitu atachikiza wapwa uka. Nangumilweka enu wapwa uka, ali liyavolo, echi chakwoloka, liyavolo. Lijina muka vakiko vazangile kumuhana ikiye, mwomwoika, ocho chili kuli vakiko. Oloze omu mukiko apwa, talenu, ali shipilitu wamupi. Jino echa, vosena hamwe, hamwe jino, *Fwelela Kaha*, wosena twayenu hamwe, jino.

Fwelela kaha, fwelela kaha,
Vyuma vyosena vinashiwa, fwelela kaha;
Fwelela kaha, fwelela kaha,
Vyuma vyosena vinashiwa, fwelela . . .

² Ou Mwata mwaya naku kuka, ndumbu wapwevo. Echa tulombelele ou kanyike wapwevo jino shimbu etu twanongama mitwe.

³ Ove Setu wa Mwilu, kusoloka Kangweshi nakuhasa kuchifumisa muwongo wamiko. Kanyike wa pwevo wamundende kuze, ali nakufwa, ikiye ali wakuzanga waumwe. Ikiye ali tengeso Yove, kaha Satana ali kwiva kuyoya chaunyike wenyi. Ngwalombo echi mu Lijina lya Kulishitu nge Ove nauya nakufumisa livoko lya kufwa, na kufumisa uze mukakole. Ove, Mwata, Hiya nahase kulinga Kalungalwiji uchila kupwa mbango kusali na sali, na kuhana vana va Isalele, uswana Wavo, ungeji wamwaza kuzauka kalungalwiji na kwingila mu lifuchi lya lushiko. Kalunga, etu twalombo lelo nge Ove ufumisa kala chimbuji na kwecha ou mwana kuyoya. Echi vanatuhanecho etu kulomba. Kaha, nge lizavu lya vathu vana fwelela muli Ove, etu twalombo mu Lijina Lya Yesu kuneha kuka hali ou mwana. Amena.

⁴ Lelo echi chili na muchima wakusakwilila nge Ngu—Nguneza kuli enu cheka mu Lijina lya Mwata Yesu. Nguneza kwimbo mukulivanga chindende kufuma ku Louisiana. Ngwashinganyekanga pamo kachi Ngupwenga kuno shimbu kanda Chalumingo mangana Ngupwenga na shikola ya Chalumingo. Kaha jino kwapwanga kwazumanga chikuma kuze, kaha etu . . . nakupwa na mbundu, kwaundang chimene

chino kusali ya Louisiana. Enu kamweshi kuhasa kutwama muli ize zuvoko nge omu twatwame chakuzeneka kafukufuku, mu Louisiana, kwatela kupwa na likina lya peho mokomoko ove mulezumuka.

⁵ Kaha shikaho Nguneza shikaho mangana Ngupwenga na likumbi limwe mokomoko avali akunoka shimbu kanda kufuma kuno nakuya ku, Northern Saskatchewan, mulungu nawizaho, kaha swi na kuli Prince Albert. Kuze kwakusuka mbwe naku jijila jaya muno mukaye, kufuma kusali ikwavo. Kaha jalihita mujila kusali yakaye chakuzeneka jijila jikwavo, kaha cheka chauchi shina ma Indiana na Eskimos vali kuze kunyima kupoli kuze etu tuli nakuya lwola luno. Shikaho etu tuli navathu vavavulu navaya nakupwako kukuliwana kufuma ku Canada kwosena. Vamwe vavo vali nakufuma ku kungenge ya kumulauko, vakiko ngwavo, vali na kwiza kuze. Kaha Ngwafwila punduvene malombo enu vathu, nge Kalunga mwaya nakupwa nayetu nakutuhana etu kuwaha, kulisala, kuliwana chachinene cha upahu Wenyi. Echi chinapunga ha myaka fwo mokomoko faifi myaka kufuma haze Ngwapwile kufuma mu Canada. Kaha Ngunapunga vene sepa wakwononoka kuze, vaze vapwa vathu vamwaza.

⁶ Kaha shikaho vakiko vapwa vakwononoka ha kuya kuliuka. Numba tuhu kunatutu ngachilihi, vakiko navaya nakulifwika lipayi na kutwama mu kalikoki, nakwendesa chimbulu mutunda yakuheta kuseti milosi, nakuheta kuliuka. Vakiko navaya nakutambuka kuhita mumeya amakaza na muvyuma vyosena kala, mukweze na mukulwane. Vakiko kuli kungulwila hamwe. Kaha chisaka chimwe kumbata chikwavo kaha vakiko kuputukako kutambuka, kaha vakiko hinavaya. Echi chili—echi chili kulilambula veji kulinganga vakiko chikiko cheji kuvalingisanga vakiko kungalaya vyavivulu kufuma mukutangisa. Nge kakweshi kulilambulako, Kaha kaweshi kuzata chikumako. Ove watela vene kuya kuze na kulinga chuma chimwe chize chatela vene kuvakolesa, vakiko veji kutulika kusali vyuma vyosena na kwecha kuzata, kaha kulinga *echi* mokomoko *chize*, hakuheta kuliuka na kusolola Kalunga nge ove wamuzanga Ikiye, kaha ove watela kulilambula na kuya, numba jino ove ungalayeko chuma chimwe muli chize.

⁷ Chili chochimwe nava vami vavandende. Billy Paul, Ngwashingtonyekanga Nanguya...Kangwambatanga chuma chimwe omwo Ngwapwile ngukanyike. Mama apwilenga na kumbata pamo jeke ya tuma tuyema kaha ikiye mwapezelesa, tuvali mokomoko tutatu tuvihanda kuli umwe naumwe. Pamo ha Ngishimashi hamwe etu natusoloka nge tuli na mali mokomoko chifwiko cha kuuta, mokomoko chuma chimwe. Kaha Ngwamwene vanyike vavakwetu mukalikoki mokomoko jikinga na vyuma, na uvwalo wamwaza na tuhuma vazuma. Kaha Ngwa—Ngwa, kaha changwivwishilenga kupihya,

Ngwamibile ngwami, “Kachi nge Nangukapwa navana vami amilyavene, Nangukaya nakuvalingila vakiko vyosena vize Nangukahasa.” Chamwaza, Nangukazanga kutwama nazala mangana nguvalingile vami vavandende chuma chimwe. Kaha omwo Ngwayoyelo... Omwo Billy apwile wamundende, Ngwapwilenga nakumumbata ikiye ha kakinga kakandende, na kumumbachila vyosena. Kaha Meda esekelenga mwosena, kulambula uvwalo wenyi na vyuma vyosena, kumumbachila ikiye vyuma vimwe. Oloze enu munatachikiza etu twaputukile kuwana? Ngwamulajilile kakinga kakandende, na kauta kamanana kakandende, na vyuma vyosena. Ngwamuwanyinyine ikiye na—na nguto mokomoko mutondo, kuweluka wa chipato, kuchipa kumwe. Talenu? Ngwamibile ngwami, “Eyi naishisaho kayeshi kapwa cheka nge nganako.” Talenu? Enu hana kaha kalamuthu kala chuma chakwoloka mulivoko lyavo, vakiko kavachizangileko. Chili chuma chimwe ove watela kulilambula hali ocho!

⁸ Kaha omu mukiko yapwa jila ya ulwilo. Chili kaha kulilambula chikupu. Echi chili, Ndumbu walunga Roy. Chili—chili kaha kulilambula kaha ove watela kulinga hakumbi hakumbi, chumachimwe cha—cha kupandamisa kwakamwihi na Kalunga na kulinga chumachimwe. Kaha Ngunatachikiza echi chili kaha kulilambula na kuli enu chimene chino, kutwama muzuvo omu muzuma ngana. Nge omu etu hano, echa etu tulame vishinganyeka kuhaka Hamulambu waunene uze vahana kuli muthu kala chuma vamuhanyine kulinga, nge Yesu Kulishitu omwo Ikiye vamuhanyine mulonga ha kwiza hano hamavu na kufwa muchihela chetu. Keshi ngocho kahako, oloze mwono Wenyi washikumukile muhetese kaha apwile kuze makumbi atatu na maufuku, kaha halikumbi lya muchitatu Ikiye asangukile, kaha jino akandukile helu chikuma, kutwama kulivoko lya chilyo lya Kalunga, Mwilu, kutwimanyinako ha kulikonekela chetu ha kulilambula Ivene na likoji Lyavene lize vathu hanyine etu.

⁹ Jino helu mu...kuze etu tunakuya, nakukapwa vathu vavavulu, vakuhutwa vene, vakakuhutwa vene, vatela kulanjisa vamwe vangombe javo, vavali mokomoko vatatu na mikoko javo, mokomoko chumachimwe, numba vezenga kukuliwana. Vaze va Eskimo vamwaka navaya pamo nakuneha vimwe vilambu na kuvilanjisa, mukiko chinatondeka muchisaka chenyi, numba vezenga. Vaze ma Indian vakakusekasana navakiko nawa vatela kulinga mwomumwe. Jino, etu twatela vene kuvalombelelako ava vathu, kumana chiku? Kaha etu tulombenu ngana Kalunga avahane vakiko chuma chachinene.

¹⁰ Jino, kuli kuzuma, Kangwazangile kumishimbwisa enu chikumako. Kaha Ngwatondo etu chimene chino tujikijise vishinganyeka vyetu, shimbu kanda etu tupwenga na kulombelela mukakuviza, hali *Liuka Na Seteko Ya Chiyoyelo*

Chalyo. Kaha, jino, Nguli nakwivwa nge makumbi amandende hanyima nge Mujimbu kuliuka vauhanyine kuli yami ku Shreveport, Louisiana, kaha Ngwa—Ngwafwelela vili viyoyelo vya liuka. Kaha etu tuli nakuya nakumuwana meso na meso na Kalunga na chimene chino, na kulomba na kumuhula Kalunga kutukafwa etu. Kanda kufwila na kumbata kupandama chochimwe, oloze hula Kalunga kutukafwa etu mulikumbi lino eli tuli nakuyoyela. Kaha shimbu kanda...Ou ukiko Mbimbiliya ya mwaka, oloze muze vene muli vyuma vya Kuyoya cha Hayamwaka.

¹¹ Kaha anuka, eli Lizu Iya Kalunga, Kalunga keshi kupwa mwekako kuhambakana Lizu Lyenyi. Kaha etu katweshi kupwa mwekako kuhambakana lizu lyetuko, kaha kachi etu natulinga...Mweka, jino, enu na Yami kwimana cha kuhandunuka...chishinganyeka, etu tuvosenana tunahase—etu tunahase kuhanjika, “Mamalelo, Nanguya nakulinga chumachimwe,” etu twalumbununa nge mukachi kamichima yetu, oloze maukalu anahase kukatuka nge etu katweshi kuhasa—etu katweshi kuhasa kulinga chize etu twahanjikanga ngwetu tunahase kulinga. Oloze Kalunga keshi kuhasa kulinga chizeko, mwomwo Ikiye apwa wa kutachikiza vyosenana kaha Ikiye atachikiza vyuma vyosenana, kaha vyuma vyosenana vize vyapwileko, navikapwako, mokomoko...Shikaho, Ikiye keshi kuhasa kuhanjika chuma 'kuvangila Ikiye natachikiza Ikiye mwaya nakuchilinga.

¹² Kaha Apalahama, omwo ikiye apwile na myaka handulendi yakusemuka, ikiye avulukile vyuma vize kavyapwile ko, nge kuvyatwama. Jino Nanguya nakuhanjika echi nge kulizamikisa umwe namukwavo kuli vaze vanakuya nakuvalembelela, va veji. Apalahama avulukile vyuma vize kavyapwile ko, nge kuvyapwile, kulava nge Ikiye Uze ashikile lushiko apwile wakuhasa kuzata, mokomoko, kulama chize Ikiye ashikile. Jino, omwo Kalunga amulwekele Apalahama, omwo apwile na myaka yakusemuka sikisite...sevete faifi, kaha Sala apwile na sikisite faifi, nge navakaya nakupwa na kemba, mwomwoika, chize chapwile chosena chachikalu. Kaha ikiye afwelelele chize na katalilila kemba, kaha amulavile uze kemba nge ali lyehi nenyi, mu myaka twende faifi shimbu uze kemba ezenga. Kaha Apalahama apwile na myaka handulendi haze asemukile uze kemba, kaha Sala apwile na naite, mwomwo ikiye amufwelelele Ikiye. Kaha ikiye avulukile chize chuma chapwileko chauchi, nge kuchili.

¹³ Jino, kuli enu vaveji na valinakuyanjiwisa vana kuya nakuvalembelela. Numbatuhu maukalu anapu ngachilihi, chipwe ove uli...muyachi uka wamusongo uli nawo, unapihi lyehi ngachilihi, nge ove naumutambula Kulishitu, Lizu Lyenyi, kahajino ove muvuluka vyuma viliko, nge kavyapwile ko, kachi vili vya kulimbalaka na Lizu Iya Kalunga. Jino, Kalunga

ngwenyi, “Kulomba chakufwelela nachiya nakulwila uze naviji.” Chamwaza, kachi Kalunga ahanjika echi, echi nachikemana. Kahajino echa tuhake vishinganyeka vyetu, malutalilo, na kulinga nge vanachilingi lyehi. Echi nachipwa chakulinga lyehi nge etu natuchitavila echi.

¹⁴ Ulwilo uli mujila yoyimwe. Etu twafwelela echi, itavila echi, fwelela echi mumuchima wove, tambuka kumeso a Kalunga na kwitavila Kulishitu nge Mulwilo wove, na kumwitavila Ikiye. Kachi ove uli hano mu chimene chino, kaha uli muka shili, kaha wakuhona kulwila, kaha ove unatondo kuhinduka, ove unaviji, chakavanga tonda Mwata. Mwitavile Ikiye kupwa Mulwilo wove, kahajino owo musongo nauya nakukufuma. Kala mwose omwo wapwa, haka kaha vishinganyeka vyove vyosena (kuli vyosena ovyo uli navyo) hali ou Lunga, Kulishitu Yesu, vyosena naviya nakupwa kanawa.

¹⁵ Shikaho jino haka vishinganyeka vyove hali chi, ’mwomwo Ngunahanjika awa mazu amandende kuli vaze vanaviji na kuyanjiwisa, shikangaho Yami nanguya na kunahanjika chimene chino ha liuka na chiyoyelo. Mwomwo Nguli nakwivwa ngocho chipwetuthu kuka Chaukalunga chili chamwaza, oloze omwo Ngwapwile mu Shreveport, Ngwapwile kaha nakutanga chitatu omwo Ngwapwile kuze, chitatu, mokomoko chiwana, chikumanyi, mumakumbi aze a leveni. Chili chachilemu chikuma kunangula kuli myono ya vathu kuhambakana kuhaka lwola lwaluvulu ku kuka Chaukalunga. Chipwetuhu, vathu vanaviji kaha valinakutondewa, Kalunga avahindule vakiko. Kaha echi vanachijikiza lyehi kukaye kwosena, nge Ikiye eji kuchilinganga. Oloze chuma chivene, jino, chili myono uze naukazeneka kufwa. Ou Mujimba naukaya nakufwa. Oloze mwono kaweshi kafwako, kaha etu twatela kulama seteko kana na kwoloka na Kalunga.

¹⁶ Kakavulu ngweji kuhanjikanga echi. Ngwatondo vyuma vyosena kuzachiwa, mwomwo omwo Nangwiza kuze kukalwiji chimene chize, Kangwazangile ukalu kuzeko. Ngwatondo kupwa na chinjikizo chami mulivoko, kuvandamina lijina lyami. Kaha Ngwatondo kuhanjika, nge muze Paulu wakumwaka, Ndumbu walunga Creech, “Ngunamutachikiza Ikiye mu ngolo Jenyi ja kusanguka.” Nge omwo Ikiye mwakasanyika mukachi kavafu, Nanguya nakulovokamo...Ngwatondo kutachikiza Ikiye mu ngolo ja kusanguka Chenyi.

¹⁷ Shikaho, jino, Ou Apwa mukakusoneka ou Mukanda, Echa tunongamenu mitwe na michima yetu kuli Ikiye chindende kaha.

¹⁸ Kaha, Kalunga, Ove Setu, etu tuneza kuli Ove jino, na kulomba Ove mangana uye nakusokolola Lizu Lyove kuli etu. Etu tunahase kukoka mapepa, oloze Shipilitu Wajila nahase kusokolola Lizu. Shikaho sokolola Eli na chimene chino kuli

etu, Tata, kaha tuhane etu kulisala chakuwaha cha likozi Lyove. Etu tuli nakuvandamina hali Ove. Kaha echa Shipilitu Wajila engile mu Lizu, na kuhana Echi kuhichila mumivumbo yauthu na michima yauthu, kaha echa Ikiye ambate Echi na chihela Echi mumuchima wosena nge omu twatondo. Kaha kusali ya kutanga, etu tuli vakulizanga kwalumuka kumembo etu, natuya nakulikehesa na kunongama mitwe yetu na kuhana Ove kusakwilila na kwalisa, ha vyosena evi tunalinangula kuli Ove na vyosena ovyo Ove unatulingila etu. Mu Lijina Iya Kulishitu etu twalombo echi. Amena.

¹⁹ Kutanga cha Lizu, chili muli Mukakujila Yowano, kapetulu watete, enu muli naji Mbimbiliya kaha munasake kutanga hamwe nayami mokomoko soneka kaho. Kaha natutanga mazu kufuma mu Lizu, kaha jino echa tulombo, kaha Shipilitu Wajila mwaya na kumbata chumachimwe kufuma mu Lizu nakutuhana etu. Etu tunahase kutanga Echi, etu tunahase kutanga tengenu Eli, oloze Kalunga nahase kuneha chumachimwe kufuma mulikiko. Mazu anahase kupwa kutanga, 'mwomwo Echi chinapu Lizu Lyenyi, oloze jino ou—ou mujimbu unapu wakuhana kuli Kalunga. Jino, muli Mukakujila. Yowono, kapetulu watete, kaha echa tuputukile ha vesi ya 28 kaha kutanga mbwe na 32, kufutula.

Vyosena evi vyasolokele...?... musali ya Yotau, muze apwilenga Yowano na kujimika.

...omwo kwachele Yowano amwene Yesu ali nakwiza kuli ikiye, kaha himwamba ngwenyi, Talenu Ou Mwanamukoko wa Kalunga, muka kufumisa shili yavaka kaye.

Ou ikiye ngwavulukanga Ngwami, Munyima yami nakwiza lunga anguhambakana ulemu: mwomwo apwako lyehi shimbu kanda ami ngupweko.

Kaha ami kangwamu tachikijileko: oloze ikiye mangana apwenga... oloze ikiye atela kupwa... kusoloka kuli va Isalele, Ngwejile na kujimika mumeya, mangana asoloke kuli va Isalele.

...Yowano ahanjine unjiho, ngwenyi, Ngwamwene Shipillitu ali nakushikumuka kufuma mwilu na kumwila nge katela, himwatwama hali ikiye.

Ngwaketonda kutanga aha cheka, vesi ya makumishilo, vesi ya 32.

Yowano ahanjikile unjiho, ngwenyi, Ngwamwene Shipilitu ali nakushikumuka kufuma mwilu na kumwila nge katela, himwatwama hali ikiye.

²⁰ Jino echa Mwata ahakeko kukisula Chenyi ku Lizu. Ngwatondo enu mweseke ku—ku kwata lizu lyosena nge natuhasa. Munahase kungwivwa yami kanawa okwo kunyima?

Chosena chakwoloka, munahase kungwivwa yami kunyima okwo? Kachi enu munahase, kaha enu zundulenu livoko lyenu. Echi chamwaza.

²¹ Jino, Ngwakutonda kuhanjika kuli enu chimene chino ha—ha chishimo, mujila yimwe numba nge—nge muthu wakuzeneka liuka ali muno ahase kwivwushisa. Jino, etu tuneza kuliuka na kupwa mwaza. Etu tuneza mangana etu vathu vamwaza, Vakakulishitu va mwaza, venyembo vamwaza, vatata vamwaza, vamama vamwaza, vakakulihata vamwaza. Etu tuneza mwomwo Kulishitu natulweke etu kachi etu tunahase kwiza, na kulomba kala chuma mu Lijina Lyenyi, okwo tunalikungulukila hamwe vavavulu chipwe vavali mokomoko vatatu, Ikiye mwaya nakupwa na etu kaha ikiye mwatuhanacho. Shikaho, kakweshi kukapwa cheka kala, kuwaha cheka kuli etu lelo chinahambakana kutachikiza nge tuli muliuka na kuliwahisa etu vavene, na kutohwesa kwivwushisa chetu? Vangahi muno navahanjika, “Echi chikiko nguli hano”? Echa tumone. “Ngwa—Ngwakutonda kulingisa kwivwushisa chami kupwa chamwaza.” Kaha etu katweshi—etu katweshi kuhasa kupwa na kwivwushisa chamwazako kuvangila echi. . . Kaha kachi tuli nakuya nakupwa na kwivwushisa cha Kalunga, kaha chatela kufuma mu Lizu Lya Kalunga, mwomwo Lizu likiko Kalunga atuhanyine etu kulisa myono yetu yili nazala. Kaha ou Shipilitu Wajila vamutumine kumbata Lizu lya Kalunga na kutulisa etu na Lizu. Enu mwamone echi? Talenu, etu. . . Ou Shipilitu Wajila ali wakutuma kufuma kuli Kalunga, nakumbata Lizu lya Kalunga na kutuhanalyo Etu nge omu tawatondele. Jino, shikaho Yami ngunawahilila ou Kalunga atungile jila nge ngana. Keshi ngochoko? Nge mwaya na kutulisa etu.

²² Etu tunapu tu mikoko vamulimba Lyenyi. Etu natuya nakuhanjikaho chindende kaha, ou mukoko. Kaha etu tunapu kuvunga chaukalunga kuli Kalunga, kaha omwo Ikiye mwapwa nachiyulo chosena hali etu mangana Ikiye atwaminyine etu na kutulweka etu.

²³ Jino, echi chamwivushile kuwaha Kalunga, omwo atumine Ikiye Yesu hamavu, kaha chamwivushile kuwaha Ikiye kumusolola Ikiye nge kanyama, kaha uze kanyama apwile mwana mukoko. Kunyima chikuma kukuputuka, mulitepa lya Milemba, mu mumiwvimbimbi wa kwiza cha Yesu, Kalunga alambwile, mokomoko apwile na mwana mukoko kupwa wana wakushisa wa mumiwvimbimbi cha kwiza Kulishitu. Jino, Ngunapunga lwola lwosena na kulikomokela mwomwoika Kalunga mwahasa kumuhaka Kulishitu mumuvwimbimbi wa kanyama, kupwa kanyama. Oloze etu tunawane nge uze mwana mukoko, mulonga Ikiye asakwile mwana mukoko, mwana mukoko apwa wa muvovu na kulilemesa ha tengeso yosena hano hamavu. Kakweshi chuma cha chivovu na kulilemesa kuhambakana mwana mukoko wamundende,

wakuzeneka mulonga, keshi kuhasa kulilisako. Kapwa—kapwa wakulivwimba ko. Apwa wakalemesa, tengeso yayindende yayivwovu. Kaha omwo Kalunga apwile nakuya na kumusolola Kulishitu kukaye, Ikiye amusolwele Ikiye muli mwana mukoko.

²⁴ Jino, oloze omwo Kalunga, Tata Kalunga, Yehova, apwile na kuya nakulisolola Ivene kufuma Mwilu, Ikiye apwile nakulisolola muli wamuvwovu chikuma, kulinyisa chikuma hali tujila vakutuka mwilu, kupwa, uze katela. Kakweshi wakalemesa chikuma hali tujila kuhambakana katela ko. Ngwapwanga na kutanga chikuma ha chiyoyelo cha kajila na chiyoyelo chamuchipapa, kaha katela apwa kajila wakulipwila kufuma kuli kajila vakwovo vase veji kutukanga mumelu. Ou katela apwa nge—nge—nge wazangi. Katela apwa wakalemesa. Kaha katela katwama na lishakushaku, vakiko kaha muchisaka cha tujila vatwama kaha chakuzeneka lishakushaku. Ou ukiko mulonga kaweshi kahasa kamona katela kukala chihela shina kuli manona na mbuto. Jino, ou . . .

²⁵ Muze muwato, mwapwile katela. Kaha ou katela apwa wakwimanyinako mwamuvulu omu mu Mbimbiliya. Apwa chifwanyisa cha Shipilitu Wajila. Kaha nawa mwana mukoko emanyinako mwamuvulu omu mu Mbimbiliya, kupwa Kulishitu, mu Kusoloka, nakutwala mbwe na ku Kuputuka, kaha mukiko apwa na katela.

²⁶ Kaha mu Mukanda wa Kuputuka, ou katela apwile muze muwato, kutwama halizavu hamwe na—hamwe na vakwavo vosena tujila vamuutangatanga; kaha umwe apwile wilava, likololo. Kaha likololo apwa umwe kajila walifwa apwako, likololo na katotapako, Ngwashingtonyeka, vali vamwe tujila valifwa tunahase kuwana. Ou likololo apwa kajila umwe eji kushimbulanga mukuyoya, kaha ayoya (vakiko vavavuluka kupwa) na, lwola lumwe, na myaka two mokomoko seli handulendi, ou likololo . . . Mukewe eji kushimbula kuhambakana aha.

²⁷ Oloze katela kanyama umwe mokomoko kajila umwe uze katwama na lishakushaku ko. Jino, ou likololo nahase kutwama hano na kulya mujimba wakufwa. Ove kaweshi kaya nakumona katela hali uze mujimba wakufwako. Ikiye keshi kuhasako. Chize kunuka mumazulu eyi, ikiye keshi kuhasa kwimanako. Nalimulingisa ikiye kuviza. Vakiko kaveshi kuhasa kwimana kuchuma chili nakunongako, kupola. Vakiko kaveshi kuhasa kwimanako, shikaho kaveshi kuhasa kulya chizeko. Kachi nge mwalya chize, kaha nachimujiha haze vene, mwomwo chuma cheji kuchikanga vakulya chapwa kuzalilila cha lishakushaku mulijimo lize lyeji kuchikanga vwa kulya. Kaha kachi kakwechi lishakushaku mwatela kwingila vize mangana vavilinge, kahajino navimujiha uze katela. Shikaho lwola lwosena namuya nakuwana katela kuze kuli kwakuzeneka majilo, chumachimwe chili chamwaza.

²⁸ Jino, likololo apwa wakuhandunuka. Jino, tala kanawa likololo apwa muyachi wa vakakulyonga. Ou likololo nahase kutwama haze hali—hali mujimba wakufwa na kulya mwosena omwo nasakila, kaha kutuka nakuya muwande na kulya tiliku, nawa. Oloze ou katela keshi kuhasa kulya tiliku kaha kutuka hali mujimba wakufwa ko.

²⁹ Shikaho, mukakulyonga, muthu nahase kupwa mukakulyonga kaha nahase kulya vosena nevi vyakushipilitu, vyamwaza na vyavipi. Oloze wamwenemwene Mukakulishitu wa kusemuka chachiya keshi kuhasa kwitavila vyuma vya kuhenga, kaha mwalya kaha kufuma kuvyuma vya mwaza. Tachikizenu echi! Nge enu namumona umwe mwahasa kuya nakukina, kuya nakunwa wala, kulovoka nakuya na kuyoyela mushili, kaha kwiza kukinduluka kuliuka pamo kutambakana chochimwe nge mukakujila, chuma muka echi? Ikiye ali likuvi, ikiye nahase kulya vosena vivali na vyuma vya kupola na vyuma vya mwaza. Oloze wamwenemwene Mukakulishitu keshi kuhasa kulinga vyuma vyangocho ko, mwomwo ikiye nahichi lyehi mukufwa na kwingila Mukuyoya. Kaha hazevene nachimupaisa ikiye hali chize shikaho, vize vene vishinganyeka vyacho, palanga nomu navimupaisa ikiye palanga ikiye mwalumuna meso eyi nakutambuka nakuya. Mamalelo, chifwanyisa kana!

³⁰ Jino, ou mwana mukoko ikiye apwa umwe wakalemesa. Ikiye keshi, keshi kuhasa kulikafwa iveneko. Ikiye kapwa wakulimanyinako, mwomwo ikiye keshi kuhasa kulikafwa iveneko. Hano lwola lumwe kunyima Ngwapwile nakuya na kuhita muulilo wa mikoko omwo Ngwapwile nakuhitangana, kaha Ngwawanyine mwana mukoko wamundende, kaha vosena vamusezele ikiye nakuya kumwe, kaha ikiye apwile nalitanginya mikukuta ya jisambo. Kaha ou wamundende wakuhutwa apwile natwame kuze, apwile nakuhita manyinga nakutambakana. Kaha Ngwejile kaha Ngwamumwene uze kuze, pamo chimbwa cha mailosi, kwapwile lizavu lyosena lya mikoko. Jino, ikiye nasavala kuze makololo pamo keshi vanamutokola meso na shimbu chiku kachi katwaileko washi nakumuwana ikiye. Oloze Ngwamujingunwine ou wamundende, ngwamumbachile mumavoko ami. Ikiye kakanyineko. Ikiye asavalile kwenyi kulu. Ngwamumbachile mumavoko ami. Lwatete—lwatete lwola, pamo, kupwa na mavoko amuthu kumukwata ikiye, oloze apwile wakulilemesa. Ikiye apwile wakulizanga kumutwaminyina. Ikiye apwile wakulizanga kumukafwa. Ngwafwelela enu muli nakuchimona echi. Ikiye apwile wakulizanga keshi kweseka kulikanga mokomoko kuveta mulezelo, mokomoko kusumana. Mwana mukoko kaveta mulezelo ko, vakiko kavasuma ko; vakiko veji kulikehesa vavene. Kaha ou wamundende, Ngwamumbachile nakuhaka hali vakwavo vosena mikoko. Mu minyutu yayindende kaha

naye amuwanyine ikiye, omwo awahililile! Jino, omwo chinapu chifwanyisa cha mwana mukoko wa Kalunga!

³¹ Enu munatachikiza, kuze veji kujihilanga mukoko, munatachikiza ou eji kutwaminyinga mukoko na kumutwala kuchijihilo, apwa pembe. Oloze pembe mwamutwaminyina mukoko nakumutwala vene kuchihela chize chili muzuvo ya kujihila, kaha, hazevene mukoko mweza muli chize chihela, kaha ikiye mwatumbukamo. Oloze, mamalelo, veji kwamba ngwavo, omwo veji kuyanga nakujiha pembe, ikiye eji kuveta mulezelo. Talenu?

³² Kaha omu mukiko mwomumwe liyavolo mwaya na kulinga. Ikiye mwaya na kweseka kutwaminyina vana va Kalunga kuvengisa mulifwa, oloze omwo lwola nalwiza ikiye hikufwa, ikiye hi mwasa mulezelo jino. Omu mukiko eji kulinganga liyavolo. Kaha omu mukiko lwola lumwe, vamwe vavandende vanyike vwapwevo vakukeleya mokomoko vamwe vanyike vavandende vamaunga vakuhichilila, na mukuta wa makanya mokomoko mulondo wa wala, nahase kutwaminyina kanyike wapwevo nakufuma mujila, mwana mukoko wa limba lya muthu umwe, kumutwala kwakuhenga. “Mamalelo, echi cha kwoloka. Kakweshi chuma chimwe chili chuma chamwaza—chamwaza haliuka.” Oloze echa kufwa chikwate hali uze kanyike wamwaka lwola lumwe, ove naumwivwa ikiye kutetumuka, kutambakana mulifuchi lyosena. Kaha omu mukiko liyavolo eji kulinganga.

³³ Oloze mwana mukoko apwa wakalemesa, uze vanahase kutwaminyina. Kaha ou ukiko mulonga Kalunga amusolwele Kulishitu kupwa nge Mwana mukoko, kaha Ivene kupwa Katela. Kaha halikumbi lize Yowano amujimikile Yesu kukalwiji ka Yotau, chumachimwe chachinene chize kanda chisolokeho lyehi, chasolokele kuze vene. Tachikizenu omwo chawaha! Ou Mwana mukoko, ou wakuvova chikuma hali tengeso yosena ya hamavu, kaha nawa Katela, umwe hali tujila wakuvova hali vosena va Mwilu. Jino, eyi ikiko jila kaha vakiko vanahase kulinunga. Eyi ikiko kaha jila ou Katela nahase kwiza hali Mwana mukoko. Jino, omwo Katela ejile nakusuluka, Yowano amwene Yesu, kaha ikiye ngwenyi, “Talenu ou Mwana mukoko wa Kalunga, ou mwafumisa shili ja vaka kaye.” Kaha Yowano ngwenyi, “Nguli naunjiho, wa kumona Shipilitu ya Kalunga muchifwanyisa cha Katela kusuluka na kwiza, na kutwama hali Ikiye.” Haleluya! Ove haze. Uze Katela na Mwana mukoko valiwanyine hamwe. Muze mukiko Kalunga na Muthu vejile nakupwa umwe. Muze mukiko Melu na Mavu vyali kumbachile umwe na mukwavo. Haleluya! Muze mukiko Kalunga vamulingishile kupwa wamujimba wanyama, aunehele, muze mukiko Kalunga ejile kufuma muchifwanyisa cha Shipilitu kaha vamulingishile kupwa Muthu kaha atwamine mukachi ketu. Muze mukiko mwapwile Hayamyaka kulikumbata umwe na mukwavo. Muze mukiko chisemunuino cha vathu va Alama na Yehova Kalunga

na kala kangelo vejile hamwe, omwo Kalunga na muthu vavalingishile kupwa umwe, haze halikumbi lyalinene lya kwanukilaho omwo Yowano ajimikile Yesu.

Jino, kwiji nge kwapwile kangunge? Chize kuyema cha kuhanjika cha uze Katela kachi kachahashile kwimana hali uze kangunge ko.

³⁴ Chuma muka chamwaza nge kupwa na makumishilo achingoloshi akwivwa uze liyembe natwame haze na kuhanjika shimbu yimwe? Hanyima omwo Ngwajimbalishile puwami na kemba...Kangwazangilenga muthu umwe kutachikiza ovyo Ngwapwilenga nakulinga. Ngwapwilenga nakwingila mumotoka yami yamwaka, Kaha ngwendeselenga kusali yamukwakwa kuno, kulovoka na kuya kuno ku kuchimbumbwe cha Walnut Ridge, kutwama kuze kusali ya mutondo kaha nakutala haze hachimbumbwe. Kangwawashile kuvavulyamako. Chasolokele nge Kangweshi kuhasa kuunda nachizeko cheka. Ngwashingtonyeka, kemba yami wamundende, nasavala hazevene, watukweji eyite. Omwo ikiye amu kwachilenga ha mavoko enyi amandende nakunguhanayo, kaha ngwavumishilenga ngezo mokomoko kuhajika chuma chimwe kuli ikiye, kaha ikiye mwalinga “ngu-ngu,” mwolola mavoko eyi kuli yami. Kaha Ngwatwaminenga hamavu kusali ya mutondo, chukumanyi nge kulwola lwa chingoloshi. Kaha kuze kwapwilenga katela wamwaka uze atwaminenga kuze muchipapa, kaha ikiye himwahanjikanga. Mamalelo, yami! Ngwapwilenga nakulikomokelanga nge mono wauze kemba yami kwiza cheka kweseka kuhanjika kuli yami. Kakwapwile chuma cheka chiyema kuhambakana chize kuhanjika chauze katela. Omwo apwile wa zangi! Ikiye anehelenga vya mwaza. Omwo ikiye esekelenga kuneha kuunda! Kuhinduka chimenemene, kwingila mumusenge wapwile hakamwihi na kuze Ngwatwaminenga, ocho kuunda chapwileko kuchivwulila! Kutwama helu hali uze mutondo wausuku, vase tutela kuhanjika kuli umwe na mukwavo.

³⁵ Likumbi likwavo, kuze kuli Ndumbu walunga Cox, chisemi cha katela wamwaka apwile navakemba vavali. Kaha vakiko vatwamine helu lya zuvo, shikaho kangandwe kahashile kuvambatahoko. Kaha uze chisemi cha katela wamwaka ahashilenga kovalisa vakiko. Kahajino ikiye ashikumukilenga na kuvambata vakiko nakuvatwala ku mutondo, kaha vakiko vahashilenga kutwama kuze na jishingo javo hali umwe na mukwavo, na kuhanjika na kulinga zangi, likumbi lyosena, vavali vavandende, vakemba vatutela vakalemesa.

³⁶ Kaha Ngwashingtonyekenyekele omwo Kalunga, (uze katela apwa umwe kajila wazangi) kaha Katela, Kalunga, atonda kutunga Zangi na muthu Wenyi wanyama. Kalunga atonda kumuzanga. Kalunga natondo kukuzanga ove. “Kalunga omwo azangile kaye, Ikiye ahanyine Ivne Mwanenyi umwe kaha lyamunwe,

ngana wosena mwafwelela muli Ikiye akazeneke kunonga, oloze akapwe na Kuyoya chahaya myaka.” Kukisula kuli Mwata! Kahajino Kalunga, kutonda kutunga zangi, Ikiye apwile... kulinga chumachimwe kupwa chakuzangiwa. Ikiye ahashile kulinga chumachimwe chakalemesa nge Ivene. Ikiye alingile chuma chimwe chize vahashile kuchizanga. Ikiye ateletele kulinga chuma chimwe cha Chisemwa Chenyi Ivene.

³⁷ Ove kaweshi kuzanga chuma chize kacheshi chakuchisemwa chove ko. Zangi yatela kulinunga na zangi. Lunga na pwevo vatela kuli zanga umwe na mukwavo, nge vanahase kulinga chuma chimwe. Chisaka chatela kuzanga umwe namukwavo, kachi nge vanahase kulinga chuma chimwe. Chumachimwe vatela kuchizanga! Ove tondatonda kwosena, kuwana kanyike wapwevo apwenga pwevo lyove uze wazanga. Ikiye eji kutondatonda, kuwana lunga uze ikiye nahase kuzanga.

³⁸ Kalunga eji kutondatondanga, kweseka kuwana mwono uze Ikiye nahase kuzanga. Shikaho, Ikiye alisolwele Ivene hano hamavu nge Katela wakalemesa na Mwana mukoko wakalemesa. Kachi uze Mwana Mukoko mwahasa munyutu imwe kumuhaka ha chisemwa cha kangunge wakuyomba, ou Katela Mwaya na kutuka hazevene, ikiye mwaya, ikiye kaha atela kuya.

³⁹ Oloze ou—ou—ou mwana mukoko, katwama na vishinganyeka vyenyi ivene vyavinene. Kaha mwana mukoko apwa umwe, nge na jimbala, ali wamokomoko mukujimbala. Mwana mukoko keshi kuwana mwakukindulukila kunyima. Ou ukiko mulonga pembe eji kumutwaminyinanga kukufwa. Keshi kuwana jila yakuhilukako, mukoko uze najimbala. Ou ukiko mulonga Kalunga atu fwanyishila etu na mukoko. Nge etu twajimbala, etu twajimbala. Kakweshi mumwe etu tunahase kuliwana etu vavene ko. Kaha kuli kaha jila yimwe yakulinga echi, shina, kulihana etu vavene kuli Kafunga wautanga, kaha Ikiye mwatwaminyina.

⁴⁰ Jino, omwo Ngwatalisanga hali ou Mwana mukoko na ou mukoko hamwe...ou Mwana mukoko na Katela, eyo, hamwe, vakiko vapwa umwe. Kahajino tala omwo Katela eji kutwaminyinanga Mwana mukoko, ou Mwana Kalunga. Omwo Ikiye apwile wakalemesa, kutachikiza nge Ikiye mwaya kuchijihilo. Omwo Ikiye apwile wakalemesa, lwola lwosena kuhona kweseka kuchilinga Ivene, kuhona kweseka kupwa navyosena. Ikiye ngwenyi, “Kangweshi kulinga chuma nachimwe ko palanga Tata nangusolwelacho chatete, kaha ou Tata atwama muli Yami.”

⁴¹ Jino, chuma chikwavo atwamanacho mwana mukoko chili, mwana mukoko apwa wakulizanga kuhana lisesa lyenyi. Jino, Kalunga atonda kaha etu tupwenga vana va mikoko, oloze kuli vavaulu lwola lwosena etu katwazanga

kuhana lisesa lyetu, kusuula malisesa etu. Shikangaho enu vavavulu mweji kuhanjikanga, “Chamwaza, Ngukwechi lisesa, Ndumbu walunga Branham.” Ou ukiko muchano, oloze ove uli wakulizanga kusuula malisesa ove? Ove uli wakulizanga kuhana malisesa ove, mangana Kalunga akutwaminyine ove? Ou ukiko ukalu uli na mauka etu lelo, muchivulu, nge kaze kalemesa ka Mwana mukoko wa Kalunga. . . Etu twatelanga kupwa vana vamikoko, etu tuneza nakupwa chuma cheka oloze vana vamikoko. Kaha ou ukiko mulonga, ha shimbu etu natuputuka etu navilinga vyangocho, uze Katela wa Shipilitu Wajila Mwaya nakutuka nakuya.

⁴² Kachi ou Mwana mukoko wa Kalunga mwaya na kuyomba nge mwa kangunge, mokomoko mwaya nakulinga chumachimwe chakulimbalaka kuli uze Katela wakalemesa chize netevisa, uze Katela Mwaya na kutuka nakuya. Ikiye mwaya mu munyutu kaha.

⁴³ Kaha ou ukiko mulonga lelo etu tuli nakukimbwojoka, “Ukalu ulihali na liuka lya Pendekosita?” Uli mwomwo etu tunambate chisemwa chikwavo. Etu tunambate chisemwa chize, “Etu twatondo malisesa etu. Etu tuli nakuya nakulinga ovyo etu tunatachikiza ngwetu vya kwoloka kulinga.” Kaha etu tuneza nakupwa vakakulivwimba. Etu tuneza nakupwa vaukenya. Etu tuneza nakupwa vakulihandununa. Etu tunetavila matoto kwiza nakwingila muli etu. Etu tunetavila malifwa kwiza nakwingila mulietu.

⁴⁴ Mwana mukoko, omwo lwola nalwiza. . . Ikiye aheta ungoni wenyi, luze lunapu lisesa lwenyi. Ikiye aheta ungoni wenyi, oloze vakiko veji kumbatanga uze mwana mukoko nakumumbila hize hachitewilo, nakumukasa kumahinji eyi. Ikiye kaveta milezeloko, ikiye kapinda. Ove nauya nakumbata lize lisesa lyenyi hazevne nakufumisa kuli ikiye, mwomwo ikiye apwa Mwana mukoko. Ikiye keshi kulinga nachumako, mwomwo mukiko mwaya chisemwa chenye. Oloze lwola lumwe zauka jila ya Ukulishitu, enu namuya nakuwana nge apwa mukoko nyi pembe. Enu namuya nakuwana ikiye apwa hiya, muhite hamwe lwola lumwe. Kaha ou ukiko mulonga lelo mauka etu ali muli eyi seteko ali.

⁴⁵ Etu tunalisanyika etu vavene kupwa Mwana mukoko wa Kalunga. Pwevo na lunga, hamwe, vanaputuka kulinga kalavyuma oloze nge Vana vamikoko wa Kalunga. Enu namutala hali vakiko kuya mujila, na jikambu, jajihi jakuteula, tuvikungo mwoyana mujikambu javo. Kaha myaka yayindende hanyima, enu mwavavulukilenga. . . enu, vakiko. . . enu kachi kamwava kumwinengako kulinga echi. Kaha jino enu namulikomokela mwomwoika eli liuka lili muli eyi seteko. Lili mwomwo munambate chisemwa cha kangunge mokomoko cha pembe, kachi mulame kuvova cha kalemesa. Kaha enu ngwenu, “Elu hilusesa lwami, Ndumbu walunga Branham.” Ngunatachikiza

lunapu lusesa lwove. “Barbers jeji kuteulanga jikambu. Kaha chikalu kaha ji barber najiya nakuteula jikambu, kumana Kangweshi nalisesa ko?” Echi chakwoloka, echi chinapu lusesa lwa vaka America. Oloze ove wakulizanga kuseza evi, na kupwa Mwana mukoko? Ove unalizange kulihana ove lyavene?

⁴⁶ Kaha enu mapwevo, keshi hanyima chikumako, enu namuya mujila. . . Chinapu chakuzeneka kalemesa kutala mujila mapwevo vali nakuvwala lelo. Kaha Yami kangweshi kuhanjika hali va Pulishiteliyani na va Mesondisiti, Yami ngulinakuhanjika hali va mapwevo vaku holinesi. Yako mujila, kaha chili. . .

⁴⁷ Ngwapwile na kakulusu kakandende kakusukika mumotoka yami, kaha muthu umwe ambile kuli yami, ngwenyi, “Billy, ove unatachikiza nge echi chapwa chinjikizo cha Katolika?”

⁴⁸ Ngwambile ngwami, “Mwaka uka va Katolika vatwama nachazano ha kulusu?” Kacheshi kuhasako! Echi kacheshi chinjikizo cha lufwelelo lwa Katolika ko; echi chinapu chinjikizo chalufwelelo lwa Vakulishitu. Cha lufwelelo lwa Katolika chapwa mukakujila wamundende wakufwa, ou Maliya mokomoko—mokomoko vathu vamwe vakufwa vaze vakiko veji kulifukulanga ko. Etu katwalifukula vathu vakufwako. Etu katwalifukula Mukakujila Cecelia na vosena vakakujila vakuhandunuka handunuka. Echi chapwa Chikatolika, echi chinapu kulemesa mashipilitu ahelu. Oloze kulusu yemanyinako Ikiye ou afwile na kusanguka cheka.

⁴⁹ Kaha Ngwambile ngwami, “Ngwayilama haze, kutala mujijila. Hanyima ya twende faifi ya myaka, mokomoko seti, omwo Ngwapwile hakamwihi nakupwa kapuputa, Ngwamushikile Kalunga kachi Ikiye mwaya nakuka meso ami nangukaya nakutala hachuma chakwoloka.” Kaha Ngwambile ngwami, “Kuli kwosena okwo nautala, chili kaha chakuzeneka ukalunga, pwevo na vwale chachimbwa, kaha mapwevo vauselesele kutwama hembo na kwosena. Ngwatalile ha kulusu keshi kutala ha (kaha anuka ika Kulishitu angulingilile yami, kaha kwalumuna mutwe wami) kuvyuma vize vya liyavolo.” Haleluya!

⁵⁰ Kaha vaze vathu. . . Kavahanjika jize nge “Pulishiteliyani, Katolika,” vaze va Pendekosita! Amena. Enu ngwenyi, “Nguli nalisesa lwa, Ndumbu walunga Branham.” Echi chakwoloka, oloze kachi ove wapwile mwana mukoko, ove muya nakusuula lisesa lyove. Kaha omwo muya na kuzata ngana, ou Shipilitu Wajila, ou katela wakalemesa, kutuka nakuya hazevene. Ikiye keshi kuhasa kwivwa sonyi hamwe na oveko. Nduma, nduma, nduma. Ove kanda kushinganyeka nge nauya na kulinga ngachize nakulama Shipilitu Wajila. Ove kaweshi kuhasa kuchilingako echi! Eyi Mbimbiliya yahanjika ngocho. Ove watela kuhana lwove. . . Chamwaza, ngwenyi, “mapwevo vosena vakwavo vali nakuchilinga.”

⁵¹ Kaha enu malunga, enu vakuhutwa, vavandende, vakuzeneka vifuwa, chuma chakuzeneka ngolo, enu, muli nakwecha mapwevo jenu kulinga chuma kana chize, echi chinasolola ove vakutungwa ngachilihi. Ou ukiko mulonga enu kamweshi na Shipilitu Wajila ko nge omu muli nakulivuluka kupwa nenyi, mokomoko enu muli na Chuma chimwe chili nakukulingisa ove ikiye kulinga nge pwevo wakalemesa makumbi osena ali nakuyoya na ove, mwosena omwo. Amena. Echi chili nakwivwakana kupwa solweso ya mwaka, kuvatula. Oloze omu mukiko liuka lelo lilinakutondewa, kupwa na solweso yamwaka, Shipilitu Wajila kusanyisa, na kusukama na kuma, na kuyishisa, na Shipilitu Wajila. Punduvene!

⁵² Seteko muka kaye kalimo! Omwo vakiko vali mujila nakutwalaho! Omwo wajika mutwe wove muchizaji cha mivwimbimbi Hachitatu naufuku, kaha ove nauhona kuya kuliuka! Omwo ove...Mwomwoika, oloze muze kamwapwilenga mwana wamundende ko mulize lifu... vatachikiza vosena ou David Crockett hiya. Kaha naaze makuli amajilo, kuhanjika nge ikiye ajihile uze mulusu ha myaka yitatu yakusemuka, enu munatachikiza kupwa nge makuli, oloze enu namwecha vana vavandende vazale mumitwe yenu kuzala nevi vya ngana. Kaha kakweshi chipwe percent imwe ha ja handulendi vatachikiza kalachuma hali Yesu Kulishitu. Echi mwomwo aka kaye kaneza nakupwa kakapi! Eli lifuchi, kuzeneka kalemesa kufuma kuli Kalunga, vanakane Shipilitu Wajila.

⁵³ Mamalelo, enu ngwenu, “Ngweji kuyanga kuliuka na kutambakana.” Ove unahase kulinga ngocho. Oloze, Palanga nomu uze wakalemesa Mwana mukoko wa Kalunga mwatwama mumuchima wove, nakukulingisa ove kutoma mukachi kachiyoyelo chove na kulinga nge muthu wakuhandunuka, echi kacheshi kukulinga ove wamwazako kulifwanyisa Ukulishitu. Ove watela kupwa nacho Echi. Amena.

⁵⁴ Ngwayile na kwingila muzuvo hano kunyima okwo, na kumenekela lunga wakuviza, kaha pwevo wakalemesa atwamine kuze, natwame kuze. Kaha nakoloko chindende wamundende Oswald ejile nakwingila, nalitepa lyakuteveka kumutwe wenyi, ngwenyi, “Mama, kulya cha chingoloshi kuchili?”

⁵⁵ Ikiye ngwenyi, “Uchi, etu katwapwanga na lwola ko.” ngwenyi, “chimene chino, chakuwahisa kala kulya cha chingoloshi.” Ngwenyi, “Nguli nakukuwahishila chindanda chakufutula futula,” ngwenyi, “kuli na malalaja.”

⁵⁶ Ikiye atambukile na kumbata ko lilalaja limwe, kulitala, kusumaho, kuyasa hambango chikuma na ngolo josena, uze musoji kupwelumuka, ngwenyi, “Kachi evi kaha vikoko muli navyo muli chino chihela, kaha nangulovoka na Nanguya,” nganavene.

57 Ngwashinganyekele, “Ove Kalunga, ou atela kupwa wami ha minyutu yitanu!” Kanyike walunga, Kachi nangumu nyukula chikova chenye kuchuva nge omwo kanda lyehi nge vanahase kuchuva! Oloze vakiko hanga vanatwamina haze, chakeke na kema. Chuma kaha ali nakutonda ikiye shina kuva chama hini chama waza chama waka. Echi chikiko kaha alinakutondewa, membo amwaka navilinga vya mwaka, kaha vamwe vakakunangula vaze Vanemana kukamenga na kunangula Muchano, kaha nakuutulika Ukiko kuze vanahase Ukiko kuutulika. Amena. Ou ukiko muchano. Mamalelo, yami!

58 Maliya wamundende emikile mahinji eyi amamndende, nakwimika muzulu wenyi waundende helu na hamavu kaha ize mivumbo yayindende ichila (na Max Factor) helu mupeho, kaha kwimika mutwe wenyi helu na kutambuka nakulovoka muzuvo. Chuma kana chasonyi! Omwo vana vanapu vakakulikanga! Eyi Mbimbiliya ngwayo vakiko mukiko navakapwa. Echi Chisoneka ngwacho vakiko mukiko navakapwa. Omwo navakalinga, omwo vakiko navalinga, kaha vyuma vili nakuya mu kaye lelo, vili mwomwo vakiko vana nyengetesa Shipilitu Wajila.

59 Myaka yayindende kunyima okwo. Nguli jino nakuya, mumakumbi amandende, nakuwahilila kuholoka cha Shipilitu Wajila chatete mu America, myaka fifite kufuma haze uno mwaka, ku kukuliwana cha Kujila yamwaka yaku Azuza, kuliwana cha pendekosita mu Los Angeles, kuze vakiko vapwile na kuholoka chakavanga cha Shipilitu Wajila, omwo vathu vapwile hamwe. Omwo Kulishitu ejile mukachi kavaze vathu, vakiko vapwile kaha vakalemesa, va kuunda undutu. Vakiko vayoyele chiyoyelo chakulungu. Vakiko vayoyelo chiyoyelo chakulumbula. Vakiko vapwile vakulizanga kulihana. Vakiko vapwile vakulizanga kuvatwaminyina kuli Shipilitu Wajila. Vakiko kavali zakaminyine vathu vahanjikile ika, vakiko vapwile “vamwaka,” chipwetuhu vakiko vahanjikile ngwavo vana “zaluka” mokomoko kala mwosena omwo, vakiko vapwile vakulizanga kuvatwaminyina kuli Shipilitu Wajila.

60 Oloze, lelo, mamalelo, yami, na chipalapala chaunga ngana nambokishi ya vyuma vyakulyalumuna, na najiputula vana vwale, kaha kulovoka nakuya mujila, mwomwoika, echi chili chasonyi! Kaha kulivuluka vavene, “tuli na Shipilitu Wajila.” Mamalelo, enu ngwenu, “Oloze Ngwahanjikile mumalimi.” Eyo, kaha naliyavolo eji kulinga mwomumwe, nawa. “Mamalelo, Ngwatambakanyine.” Kaha na liyavolo eji kulinga mwomumwe, nawa. Ou liyavolo nahase kulifwanyisa vyuma vyosena akwechi Kalunga, kusezaho kaha Zangi, kaha ikiye keshi kuhasa kufwanyisa zangi ko. Yaa.

61 Kahajino, chuma chatete mwatela kutachikiza, omwo enu mwaputukile kulinga vize vyuma, enu mweji kushikumunanga mikeleko, enu hinamuputuka kulivwasana, kahajino, liuka naliputuka kupwa na kuchukajala, nakulipinjisa mukachi ka

enu vavene kaha ou ngwenyi, “Ove unatachikiza, ou Kafunga ali *munganji mukanaga*,” mokomoko “va kakuzata muliuka vali *munganji mukanaga*.” Kaha, chuma chatete mwatela kutachikiza, enu mwevwulilile chize! Kaha ou ukiko mulonga etu tuli na maukalu amavulu, ali mwomwo enu munaputuka kwivwulila kuli liyavolo, na kufwa mumuheto kachi kwivwulila ou Katela wakalemesa, ou Shipiltu Wajila, ou Katela wa Kalunga ou mwahasa kukutwaminyina ove na kukwinyikila ove, akuzanga ove na kukukisula ove.

⁶² Lwola lwatete ove mupwa na kufwindasana na matoto, ou Katela mwatuka nakuya hazevene. Echi chakwoloka. Ikiye keshi kuhasa kwimana hali chizeko. Chisemwa chenyi chili chakuhandunuka. Mamalelo, Ikiye keshi kuhasa kwimanako. Kaha enu namuya nakuhanjika hali mukwenu mwalihata neyi, Ikiye keshi kuhasa kwimana hali chizeko, Ikiye keshi kuhasa kupwa hamwe nachizeko. Ikiye eji kutuka kaha Nakuya mujila yenyi. Ikiye keshi kuhasa kwimana nakushimbulako. Ou Katela apwa wakalemesa. Ou Katela apwa wakuvova, kaha Katela, kaha—kaha Keshi kuhasa kwimana hali kalachuma ko kuvanaga hali ukwechi chisemwa chochimwe.

⁶³ Jino, Kalunga nahase kukulinga ove nachisemwa chakuhandunuka, lunga mokomoko pwevo, Ikiye nahase kukuhana ove chisemwa chakuhandunuka. Kaha ove ngwove, “Chamwaza, Ndumbu walunga Branham, etu natulinga ika hali echi?” Pwako kaha mwana mukoko chekanawa. Ava kaha tunyama vavali vakiko kaha vanahase kupwa hamwe, ava vali katela na mwana mukoko. Ou katela keshi kuhasa kwiza kuli kalako shina hali mwana mukoko. Kaha kachi ove nawiza nakupwa pembe, kahajino mbata nakufumisa ize shipilitu yaupembe hali ove. Echi chakwoloka. Kachi ove mwiza nakupwa chuma cheka chikwavo, chifumise muli ove, kachi ove nauputuka kupwa mukakuhajijeka.

⁶⁴ Hano lwola lumwe, Ngwanangwile chikuma kuma nge omu Ngwashashile kunangula mu mbongi yimwe, kaha kwapwile masauzande avathu. Ngwatambikile vathu kukamenga. Ngwashingtonyeyekele nge Ngwafwiki shili yosena, Ngwafwikile vyuma vyosena vize Ngwashingtonyeyekele. Uze ufuku hanyima yakutanga, umwe pwevo wakavumbi wamundende atambukile na kwiza, ngwenyi, “Chamwaza, Ndumbu walunga Branham, Yami punduvene ngwawahilile mwomwo kawakwachile hali yamiko ufuku uno.”

Ngwashingtonyeyekele, “Ou atela kupwa Mukakulishitu vene wamwenemwene.” Ngwenyi, “Ove kawangukwachileko ufuku uno.”

⁶⁵ Ngwambile ngwami, “Chamwaza, Yami punduvene ngwawahilila ahakwivwa ngocho, pwevo wakalemesa, ove

watela kupwa hakamwihi na Wangana wa Kalunga.” Kaha ikiye akuminene.

⁶⁶ Umwe pweo wakalesa wamukulwane nemana haze. Ngwambile ngwami, “Ngwahanjikile, ove unamwijiva uze pwevo?”

“Eyo.”

Ngwambile ngwami, “Ikiye atela kupwa Mukakulishitu wamwenemwene.”

⁶⁷ Ngwenyi, “Chimwe chuma wazenekanga kuvetaho ufuku uno, Ndumbu walunga Branham, shina kuyongola. Ikiye apwa mwangana wava kakuyongola mulifuchi.” Ove uze, echi chikiko, talenu.

⁶⁸ Oloze omwo ove nawiza kuchuma chimwe cha evi, numbatu chipwe mukakunangula mwavetaho muze mukamenga mokomoko chiku, omwo ove naumona vase vali muvyuma vya chisemwa vya mukaye, kachi ove muyoya navakiko, ove kaha unafumu kuli Kalunga, kaha na Shipilitu Wajila mwaya. Ou ukiko mulonga kuliwana kacheshi nge omu chapwilenga ko. Ou ukiko mulonga lilonga lya unga wamitondo unahono kusemuka chimene chino mumbalaka. Ou ukiko mulonga kuliwana cha mbalaka yayinene anahono kuwanyiya muno mulifuchi, mwomwo etu tuli vakunyenetela kufuma kuli uze Katela wakalesa wa Kalunga. Echi chakwoloka. Ikiye keshi kuhasa kutwama na etu ko kachi nge etu tuli muchihandwa, kachi nge etu tuli nakuyongojola, “Etu twatondo jijila jetu!”

⁶⁹ Jino, Ngwatondo enu mutalise kanawa, ou Mwana mukoko apwile Mwana mukoko wakuholo kulu. Eyi Mbimbiliya ngwayo, “Ikiye kasokolwele makanwa Kenyi ko. Nge mukoko kumeso kuli va kakumuteula, Ikiye apwile kamama.” Ikiye kasokolwele makanwa Kenyi ko. Ikiye kapwile mukweze uze atondele lisesa lyenyi ko. Nduma, mukulwane, Ikiye apwile wakulizanga kusuula lisesa Lyenyi. Ikiye apwile Mwana mukoko wakuholo.

⁷⁰ Oloze, lelo, mamalelo, yami, omwo twazanga vihandwa vyetu! Mamalelo, yami! “Nangumilweka enu, enu na mwecha vathu vamwe vahanjike vyuma vimwe kuli yami, Nanguya nakumumbata ikiye, kanyike walunga, Nanguya nakumbata chihanda naikiye.” “Nanguya nakulweka uze mukakulyonga wamwaka omwo Nangukamumona ikiye! Enu vandaminenu palanga nomu Nangukamumona ikiye! Kalunga vamukisule, heheluya! Hu-huu!” Uze katela eji kutukanga na Kuya kaha mwaya mujila yenyi. Echi chakwoloka. Ou Shipilitu Wajila keshi nenuko cheka, chikalu enu namwivwa mujila kana. Sonekeni echi mumukanda wenu, Echi kacheshi kuhasa kulingikako. Ou Shipilitu Wajila keshi kutwama haze hali shipilitu yamuyachi ngana. Ou atela kupwa na shipilitu ya mwana mukoko, shipilitu yakalesa, mokomoko Eyi kayeshi kuhasa kutwama na echiko, haze hakiko hali echi; kachi nge wakalesako,

kuvova, vakutwaminyina kuli Shipilitu Wajila. Kaha kachi kala chuma nachiza, Keshi kuhasa numba kutachikiza, naiya lika kaha. Talenu? Kaha ha munyutu haze nayalumuka kusali, munatachikiza, hazevene . . . omwo enu namwalumukila kusali.

⁷¹ Munatachikiza, shili ya kulivanga yapwile muthu kwalumuka kusali mumunyutu kaha. Enu mwatachikiza echi? Eyi Mbimbiliya yahanjikangocho. Eva alumukile kusali mutando yayindende, kwivwa omwo Satana mwahanjika, kaha ikiye amufujikilile chifwanyisa chamwaza kuli ikiye palanga nomu ashinganyekele nge ou ukiko Muchano. Kaha ikiye amwivulilile ikiye.

⁷² Kaha chumachimwe liyavolo natondo enu kulinga, enu kwalumukila kusali ha munyutu yayindende. Ikiye nahase kufujika chifwanyisa, na kuhanjika, “Jino, tala kuno. Munatachikiza, ndumbu walunga, munatachikiza, ndumbu wapwevo, kachi vakiko vapwanga vathu vakwoloka, vakiko kachi kavahashile kulinga *echi* ko. Kachi vakiko valinganga kaha *echi* chakwoloka hano, munatchikiza.” Ikiye nahase kuchilingisa chikiko kupwa cha mwenemwene kuli enu palanga nomu nawiza nakupwa muchano. Echi chakwoloka! Oloze anuka, ali liyavolo!

⁷³ Kangweshi kuzakamako vapwa mwishi ngachilihi, vananyi hahasuku ngachilihi mu shili, ou unapu mulimo wayove kuhaka mavoko hali vakiko nakuvazundula na zangi ya Kalunga. Ove wapwile kulihi omwo uze Katela wa Kalunga akuzundwile kukufumisa muze muulova wandambo? Ou uli mulimo wayove, masepa jami. Aka kaye kalinakufwa kutonda kazangi kakandende. Ove . . .

⁷⁴ Ngwakutondo enu kutalisenu ou kanyama, nawa, ou kanyama wamundende, apwile mwana mukoko wakuholo mwomwo kahashileko . . . omwo Ikiye apwile vanamutuluka, ikiye katulukile nawako. Ikiye kakindulwishileko na kutwalilaho, kahanjikile ko na kulizakamina nakutwalilaho, Ikiye kachilingileko. Omwo mthuumwe . . . Omwo Ikiye apwile vamutuluka, Ikiye kavatulukileko. Ikiye kasokolwele mukanwa Kenyi ko.

⁷⁵ Oloze enu echa mthuumwe kulinga chumachimwe kuli ove mokomoko yami, mamalelo, yami, etu kachi natutotoka nge chizunda chimbotwe ali nakulya kavele kamuuta, kutufuka nge—nge lizumwa wamwaka. “Nanguya nakumilweka hano jino, ikiye nalyate ha minwe yami nge ngana cheka, Kangweshi cheka kaya kuli lize liuka lya mwaka cheka ko. Nduma, mukulwane! Kisula Kalunga! Heleluya! Va Nazalenyi navaya nakungutambula yami, va Pilgrim Holiness, vakiko navangutambula. Heleluya. Kangweshi kuchilinga cheka ko.” Chosena chakwoloka, uze Katela eji kutakanga naKuya.

⁷⁶ “Munatachikiza ika? Kachi uze mukakulyonga wamwaka mwaya kuliuka, Nayami kangweshi kuyako chekako. Kisula Kalunga, Kangweshi kachilingako!” Omwo chize chuma nachiza hali ove, uze kangunge wakuyomba wamwaka, uze Katela kutaka na Kuya. Hazevene. Kahajino ou Shipilitu Wajila nayi.

⁷⁷ Kahajino enu namulikomokela ukalu uli hali na enu. Enu namulikomokela ukalu uli hali naliuka. Enu namulikomokela ukalu uli hali nayenu. Mwomwoika tunahonene kupwa na kuhasa nge omu twapwilenga nacho? Enu munalumuna chisemwa chenu. Enu muneza nakupwa pembe keshi mwana mukoko ko. Enu muneza nakupwa chuma cheka keshi mwana mukoko ko.

⁷⁸ Enu mwatela kutambula ize Shipilitu ya mwenemwene ya kuvova, “Echa Shipilitu Wajila angutwaminyine kwosena okwo. Kalunga, Ngwazanga kala mukashili, numbatuhu okwo vali.” Echi chihela chamuyachi ngana mukachi ka muchima wa muthu, kahajino ove nauya na kumona chumachimwe kusoloka, mumono wove.

⁷⁹ Enu ngwenu, “Chamwaza, Ndumbu walunga Branham, kuliko jila imwe mwakukumishila echi?” Eyo, pwako kaha mwana mukoko, mukiko kaha. Enu ngwenu, “Chamwaza, Ndumbu walunga Branham!”

⁸⁰ Ngwaliwanyine na vupu ya pwevo wakalemesa ufuku ukwavo, kuze ku Shreveport. Billy na Yami twayile kuchihela chimwe nakulanda chindanda chakufutula futula hanyima yakutanga. Vupu lya pwevo wamwaza ejile kuze, pamo vupu wa kanyike wapwevo, mokomoko pamo twende mokomoko chumachimwe nge ngocho, navwale kanawa. Ikiye atwamine hamavu. Ngwamutalishile atwalilengaho kutala kusali ya jila. Ngwatwalileho kulya. Shimbu mumiyutu yayindende uze pwevo wakalemesa ejile nakwingila. Ikiye ngwenyi, “Shangwenu mwane?” Kuhanjika kuli ikiye. Kaha Ngunatachikiza uze pwevo wakalemesa apwile Ndumbu wapwevo Davis kuze. Kaha ikiye na pwevo weka wakalemesa kufuma ku Life Tabernacle, Ngwavatachikijile kanawa, ikiye ejile nakuhanjika kuli yami, kaha ayile. Kahajino uze vupu ya pwevo wakalemesa atwamine kusali, ikiye ngwenyi, “Ndumbu walunga Branham, uze wapwanga Mujimbu wamwaza ufuku uno.”

⁸¹ Ngwambile ngwami, “Shangwenu mwane, ndumbu wapwevo?” Ngwambile ngwami, “Ngwasakwila, chikuma.” Kaha Ngwambile ngwami, “Ove wapwa umembala wa Life Tabernacle?”

⁸² Ikiye ngwenyi, “Mukiko vene.” Ikiye ngwenyi, “Unatachiza, Ndumbu walunga Branham, Yami kachi ngunembi mulizavu lya vaka kwimba, oloze vanahakeko jishimbi kuze.” Ikiye ngwenyi, “Ngwapwile, mamalelo, mu myaka yayivulu yakulilongesa kwimba, na vyuma vyosena,” Ngwenyi, “Ngwapwile na kwimba

solos kaha Ngwembile na vyuma vimwe.” Ngwenyi, “Oloze, Kangwe—Kangweshi kwimba ko, mwomwo vakiko vana—vakiko vana hakeko jishimbi nge ‘pwevo navwale mukotola katela kwimba—kwimba ko mulizavu lya vakakwimba.”

Ngwambile ngwami, “Chamwaza, Kalunga va mwalise hali Life Tabernacle!”

⁸³ Ikiye ngwenyi, “Chamwaza, Nangukulweza ove, Ndumbu walunga Branham,” ikiye ngwenyi, “Ngwapwa Mukakulishitu.”

⁸⁴ Ngwambile ngwami, “Kahajino, ndumbu wapwevo, yako kwimbo usane kumeso ove, mokomoko kala mwosena omwo mulingila.” Ngwambile ngwami, “Ove uli nakungulweka yami nge ove muya nakwecha chachindende nge ngana kuvwala chuma chachindende chamuyachi ngana kumeso ove. . .”

⁸⁵ Kaha Ngunahase kwinjikiza kuli ove nge echi echi chakuli Liyavolo. Ngunahase kwinjikiza kuli ove nge kakweshi chuma chimwe. . .Maputukilo acho apwilenga makombelo. Kaha nge ove muvwala chize, chize chinapu lusona lwa makombelo. Jino, Ngunakinduluka thuhu kalinwaha kufuma mulitungu lya Africa, kaha ngunapunga mumisenge yava Hottentot kaha kuwana vene kukiko kwatwama vingelengele vya kumatwitwi, kukiko kwafuma vyuma kana, kaha na vyosena evi, kwatwama kuvwala cha vingelengele vyakujinga mushingo yove nakumatwitwi na vyuma vyosena, kukiko kuvwafuma. Echi chapwa makombelo. Kaha Mbimbiliya kayatonda Mukakulishitu kupwa mukamakombelo ko. Kaha ove kawatondele. . .Kangwambile ngwami ove umukamakombelo ko mwomwo ove uli na kulinga evi, oloze ove uli nakulilingisa ove lyavene kusoloka nge umwe. Echi chili mwomwo kafunga kove kakulwekele ove Muchano ko. Eyi Mbimbiliya yahanjika ngocho.

⁸⁶ Kaha jino ove mwamba ngwove, “Ndumbu walunga Branham, Ngwashinganyeka kachi Ngwapwanga na jikambu jajihi, echi na chilingisa kututa na vyosena ngocho.” Echi chakwoloka, oloze kachi ove uli najikambu jajisuku ove naupwa nakututa chikuma. Mwomwo najimbata shingo yove yosena, naji jinguluka mushingo yove yosena nakupwa kanawa.

⁸⁷ Mwomwoika, munatachikiza omwo yahanjika Mbimbiliya ngwayo? Ngana, lunga atwama na lisesa lya kutumbika pwevo lyenyi na kumulukulula ikiye kachi ikiye mwateta chikambu jenyi. Kachi ikiye mwateta jikambu jenyi, echi chasolola ikiye ali nakuyoya mwakuhona kushishika kuli ikiye. Eyi Mbimbiliya yahanjika ngocho, wavaka Kolinde wa Kulivanga 12, wana nge Echi kacheshi chakwolokako. Ikiye uze. . .Pwevo uze mwateta jikambu jenyi nazeneka kuvumbika mutwe wenyi, ou ali lunga lyenyi. Kaha kachi ikiye wakuzeneka kavwumbi kuli lunga lyenyi, ikiye vatela kumulukulula nakufuma kuli ikiye. Echi chakwoloka. Oloze, talenu, ou kafunga kanda lyehi

amilweke enu vyuma kana. Kaha ou ukiko mulonga enu muli nakulinga mujila kana muli nakulingila. Kaha—kaha ou lunga, eyi Mbimbiliya ngwayo. . .

⁸⁸ Hano keshi kunyima chikuma ko kwapwile muthuumwe asonekele na kwamba ngwenyi, “Ndumbu walunga Branham, evi—evi vikovelo mapwevo valinavyo,” ngwenyi, “mwomwoika, vili nge. . . enu chinafwane nge kamweshi kuwana vikovelo vyekako, kaha nachipwa chakwoloka kuli pwevo wa Mukakulishitu kuvwala awa mahina, ajitambo akuwuva kumahye, mokomoko mwosena omwo yapwa?”

⁸⁹ Ngwambile ngwami, “Tala, ndumbu wapwevo, kuli kaha chuma chimwe hali echi. Hano hali chuma chimwe cha muchano. Ove unahase kulinga echi: kachi ove unahase kulanda limwe, vali nakulanjisa makina akutongesa, ove unahase kulitongela yimwe.” Ngwambile ngwami, “Echi chakwoloka. Kutunga imwe nayisoloka vene. . .” Ngwafwelela. . . Munatachikiza, chuma muka chili mumuchima wove chikiko nachilisolola chivene. Mujila ove mulingila na mujila naulingila, nachisolola ocho chili muli ove.

⁹⁰ Ou ukiko mulonga evi vyosena hano vya kuyomba na kulipika na kuliyongojola, na—na kuhilwisa kulisuma, na kutwalilaho vili muliuka, evi vikiko vyeji kuhokolanga liuka. Echi chinasoloka nge liyavolo nengilamo, kaha chinasolola nge Shipilitu Wajila namiseze. Jino, Ngunatachikiza chili kaha kwocha makanya kuwafumisa muli enu, oloze chatela kulingika. Echi chatela kulingika! Omu mukiko vahanjika; kuhona kupwa wautongwe, keshi kulinga nge kanyike ko; oloze kumilweka oho hali ukalu, kupwa muthuumwe Nangukaya nakwimana nakukumbulula hali enu. Kaha mwomwo ya mulonga kana omwo mujila muli nakulingila, echi chinasolola enu muveya. Kachi ove uli kaha na matoto amwaka aze nawaya nakulingisa chikundo kutuka chindende, kaha kulovoka nakuya kuno, mokomoko kutoleka, mokomoko hajikiso ya kasautu na vyangocho, echi kaha chinasolola okwo chilli nakufuminyina.

⁹¹ Jino kuli kaha chuma chimwe chakulinga, mbata chize chuma na kuchifumisa muze, kaha uze Katela mwaya nakukinduluka mumuchima wove. Omwo uze Katela ayile nakulovoka muze muwato, ikiye vamukasunwine nakulovoka. Oloze ikiye akindulukile na kungongomweza hachikolo cha wato palanga nomu Nowa amwechele ikiye kwingila. [Ndumbu walunga Branham kungongomweza hakamenga—Muka.] Ou Shipilitu Wajila ali hano. Ou Shipilitu Wajila natondo kwiza engile. Ou ukiko mulonga lelo, ou Shipilitu Wajila, Ikiye kayile na kufuma muli enu hayamyaka ko. Ali kaha natwame kuweluka kuze hamitango yamitondo kumwe, wakulizanga kutuka Lyavene nakukinduluka nakwiza muli ove, kaha nakukuhana ove zangi na kuunda na kuwahilila nge omwo wapwilenga nayo. Punduvene, Mukiko chili. Ikiye ali wakulizanga kulinga echi.

Ikiye natondo kulinga echi. Ikiye alina kuchifwila kulinga echi. Oloze enu kamute kumwecha Ikiye alinge ngocho!

⁹² Jino, Kangweshi nakuhanjikia kuli enu vangeji ko. Kangwatachiza kafunga kenu ko. . . Ngulina kuhanjika kuli Branham Tabernacle. Kangweshi nakuhanjika kuli enu vathu veka ko vakufuma kumauka eka naeka. Nguli nakuhanjika ku Branham Tabernacle. Ou ukiko ukalu uli hano.

⁹³ Evi vikiko vyeji kulingisanga Katela Kuya na kutuka. Echa kaha mthuumwe aputuke chuma chimwe chindende mukachi kaliuka, kaha chuma chatete, “Mamalelo, mukiko tahi? Mamalelo, alinganga. . .? Ove kawatwalile muze ko?” Haze vene Shipilitu Wajila mwaya, kutuka nakuya. Ikiye keshi kuhasa kwimana muyachi wa shipilitu kanako. Haze vene chisemwa cha mwana mukoko na chimiseza, kahajino ou Shipilitu Wajila kaha mwaya. Echi chakwoloka. Kaha ou ukiko mulonga lelo. Ou ukiko mulonga vathu vali muli eyi seteko vali, eli mwomwo vakiko vanechela shipilitu wamupi kwiza mukachi ka michima yavo, na muchiyoyelo chavo. Jino ukiko mulonga etu tuli. . .

⁹⁴ Eyi Mbimbiliya ngwayo ou ukiko mulonga kuli vavavulu vali nakuviza na kuyajiwisa mukachi ketu, mwomwo havyuma kana. Etu twatela kupwa vakalemesa. Etu twatela kupwa va kuunda. Etu twatela kupwa mwana mukoko, mangana ou Katela atwame nayetu.

⁹⁵ Jino, anuka, ou Katela mwaya nakwiza. Ikiye ngwenyi, “Mamalelo, Ndumbu walunga Branham, kanda kungulweka yami nge kanda ngutambule Shipilitu Wajila. Heleluya! Kunyima okwo, na ufuku kwapwile ufuku umwe, mamalelo, omwo Ikiye ejile nakwingila, Ngwatambukile kaha. . .” Pnduvene, uze apwile Ikiye! “Mamalelo, Ngwevwile kuwaha, Ngwevwile nge Ngutambule kajila wosena wamundende kufuma kumitondo yosena na kuvakumbata nakuvazanga. Uze wamupi wosena alingile chuma chimwe kuli yami, Ngwevwile nge Nguhake livoka lyami hali ikiye nakuvakumbata vakiko. Mamalelo, Ndumbu walunga Branham, omwo Ngwevwile!” Pnduvene, uze apwile Shipilitu Wajila.

⁹⁶ Oloze, mwamono, mulonga Ikiye ahonene kutwalilaho kutwama lika. Ove wapwile haze wapwile umwana mukoko; oloze omwo wejile nakupwa ukangunge, Ikiye atukile na Kuya. Chuma chakuhenga chauchi nou—nou na—nou Katela; ove yove, kaha. . . ove echa eyi shipilitu yizenga kuli ove. “Kumana Ngwayikasunwine nakuyecha, Ndumbu walunga Branham?” Eyo, omwo ove wayile nakwivwulila kuli chize kuyongola, omwo ove wevwulile kuli aze makuli, omwo wayile nakuhanjijeka, “Chamwaza, Ngukw echi lisesa!”

⁹⁷ Ove kaweshi na lisesa ko! Ove vakulanda na ndando, ndando yapwilenga Manyinga amwaza a Mwana Kalunga. Ove kaweshi nalisesa ko. Heleluya! Ove lisesa kaha uli nalyo, lili, kwiza

ku Kaselwoke wakuzala na Manyinga akufuma kumushisa wa Emanuwele, omwo vakashili veji kwingilanga mwishi ya livaji, nakujimbalisa mapenga achiwezu chashili. Eyo, mwane. Elu lukiko kaha lisesa ove uli nalwo, kulihana ove lyavene, kuli Kalunga, kahajino Kalunga mwalinga utwamina kufuma haze. Echi chikiko cheji kulingisanga kuliwana chetu. . . Echi chikiko cheji kulingisanga vyuma vyavivulu vyungeji. Ou Shipilitu Wajila mwaya kuchihela, ou Shipilitu Wajila ngwenyi, “Echi kacheshi chakwoloka ko. Emika echi kuliwana, tambuka na kutwalilaho.” Nanguya nakwimika echi, nawa, ndumbu walunga, twalilaho nakuya. Echi chakwoloka, mwomwo ove watela kukutwaminyina kuli Shipilitu wa Kalunga. Kaha jila kaha yakupwa ove kukutwaminyina kuli Shipilitu ya Kalunga, pwako kaha wakalemesa, keshi kuvanga unatachikiza vyosena ko.

⁹⁸ “Mamalelo,” enu mwashinganyeka, “Ngunatachikiza vyosena.” Yaa, enu mukwechi wongo wenu kuzata nakuulama nauheta nahaseteko yakuzata uveve. Enu munatachikiza mikanda yosena na kumbulwiso yosena, na Chingiliki na Chihepelwu vyosena, kaha kaweshi numba nachihela chauze Katela kuhanjikako. Echi chakwoloka. Oloze munatachikiza vyosena, kahajino Katela keshi kuhasa kutwaminyina ko, ’mwomwo munatachikiza chikuma.

⁹⁹ Ou mwana mukoko kalivuluka kutachikiza chuma chimweko. Kuvangila kupwenga muthuumwe mwahasa kumutwaminyina. Upahu! Echi chakwoloka. Katachikiza chuma na chimwe! Amena. Chuma chimwe kaha Ngwatachikiza, chili, Kulishitu Yesu afwile na kulwila yami.

¹⁰⁰ Kuhita ku California kwatwama mukweze umwe apwile nakwiza, ikiye apwile na chinjikizo kulutwe lwenyi, ngwenyi, “Yami nguchileya cha Kulishitu,” kaha hanyima yenyi ngwenyi, “Nyi ove uchileya cheya?” Echi chakwoloka. Ejile na kupwa chileya, kukaye, mangana vakutwaminyine kuli Shipilitu Wajila, ’mwomwo vana vamaunga nava vamaawevo wa Kalunga vava twaminyina kuli Shipilitu Wajila. Loma8:1, ngwenyi, “Kakweshi jino kupaya kuli vakiko vaze vali muli Kulishitu Yesu, vaze kavatambuka cheka mwaya chisemwa chanyama, ko oloze cha Shipilitu,” kutambuka keshi mwaya kangungeko, oloze mwa Katela. Amena.

¹⁰¹ Ndotolo apwilenga kwimba mwaso, “Zalilsa jila yami hakumbi hakumbi na zangi, omwo Nguli na kutambuka na Katela wa Mwilu; echa yami nguyenga shimbu yino na mwaso na kusehelela, zalisa jila yami hakumbi hakumbi na zangi.” Likumbi muka lya kuunda nalikapwa lya Branham Tabernacle, mokomoko kala liuka mokomoko kala muthu, omwo vakiko navakaya nakusuula malusesa avo, mangana vezenga nakupwa mwana mukoko.

“Chihula muka, Ndumbu walunga Branham?”

¹⁰² Twaya kinduluka na kupwa mwana mukoko, twaya kinduluka nakupwa wakalemesa, twaya kinduluka nge kawatachikiza chuma ko, twaya na kulihana ove lyavene kuli Kulishitu. Kanda kweseka, kanda kweseka kutachikiza chuma ko. Tambuka kaha muuvovu, mukuholo, kulinyisa, mwakalemesa, kaha ou Katela mwakutwaminyina. Oloze nge namumona...kuya na kwivwulila kukuyongojola, kwosena okwo namuya naaze matoto, kwosena okwo nauya na kushinganyeka nge ukwechi lisesa lya kulinga *echi* na *chize*, uze Katela mwatuka na Kuya na kuya kweka. Kahajino kaweshi Nenyiko. Jino, Ikiye keshi hahasukoko na ove chimene chino, liuka. Ikiye atwama kaha haze hamutango wakuunda, kuvandamina chisemwa chove kwalumuka. Amena.

¹⁰³ Chili nakutondeka lelo shina kuhana malusesa enu, nakwecha Kalunga akusavalike hamavu na kukuteula ove malusesa ove. Amena. Enu munahase kushinganyeka omwo akeha mwana mukoko wamwaka, vosena—vosena tumbatwa kusukama hali ikiye? Lize linapu lisesa lyenyi. Yaa. [Ndumbu walunga Branham mwalondezeza kulila cha mwana mukoko—Muka.] Kuwema, kahajino savala kaha haze hamesa ya kutewila. Vakiko vanatachikiza chamwaza chinatondeka kuli ikiye. Mbata vyosena awa malusesa kuli ikiye mangana awateuleko, omwo nakuunda nakuhehuka mukulaha. Yami, yami, ikiye mwawahilila, na kutumbujoka nakujinguluka na kupwa lwola lwalunene. Eyo, mwane. Kachi ove nausulula malusesa ove, evi vikiko nautambula. Oloze ove watela kusuula malusesa ove na kwecha Lizu lya Kalunga likuteule kaye kosena, nakumbata tato yosena yakaye nakuyifumisa, kaha ove nawiza nakupwa tengeso yayihya muli Kulishitu.

¹⁰⁴ Hano lwola lumwe kunyima okwo, kuze kulitungu lya Africa, Ngwapwile na kuhanjika kuli—kuli mukakujila wamwaka. Ikiye ngwenyi, “Ndumbu walunga Branham, Ngunatachikiza ove wafwelela mungolo jajinene.”

Ngwambile ngwami, “Punduvene, ndumbwami walunga.”

¹⁰⁵ Ikiye ngwenyi, “Myaka oyo Ngwapwilenga na kushinganyeka nge Ngwapwilenga ngumuthumwe.” Ngwenyi, “Ngwashinganyeka nge Ngu Mukakulishitu wamwenemwene.” Kaha ikiye ngwenyi, “Jino kuze kuliuka lyetu... Ngwapwilenga na kunyina hapili, kuze Ngwemikilenga motoka yami yayindende.” Kaha ngwenyi, “Ngwapwilenga na kunyina kupili pamo, mamalelo, seli mokomoko fwo handulendi yardi, kaha kuya na kujinguluka mumusenge na vyuma ngocho, kukanduka helu.” Kaha ngwenyi, “Etu twapwilenga nakuliwana chakulomba kuze.” Kaha ngwenyi, “Ngwashinganyekele nge Ngu Mukakulishitu vene.” Ikiye ngwenyi, “Ngwatachikijile Mbimbiliya yosena. Ngwatangile

Hepelewu yosena. Ngwatangile mukuwawuluka aze mazu osena.” Kaha ngwenyi, “Kalamuthu vatambukilenga nakwiza kuli yami, Ngwalingilenga” [Ndumbu walunga Branham kuveta minwe yenyi—Muka.] “kuhanjika kuli vakiko ha Mbimbiliya. Ngwatachikijile ovyo ngwapwile naku hanjikaka.” Ikiye ngwenyi, “Ufuku umwe Ngwapwile na kuya kuliuka. Kuze kwapwile chimbalangani chachivulu muliuka lyetu.” Ngwenyi, “Kwapwile tumazavu tumazavu kufumbukila umwe na mukwavo. Munatachikiza omwo eji kukatukanga.”

Ngwambile ngwami, “Eyo, mwane.”

¹⁰⁶ Ikiye ngwenyi, “Mujila yami yakukanduka nakuya kuze kupili, Ngwapwile nakutambuka, kukasumuka Ngwevwile nge kuli muthu apwile nakungukavangiza munyima yami.” Kaha ikiye ngwenyi, “Ngwashinganyekele nge Nguvandamineko chindende ngutachikize hiya owo, kuzangulako, mangana Nguhanjike navo chindende shimbu omu tulinakuya mujila.” Munatachikiza, ou ukiko muyachi wachuma chamwaza, muvandamina chindende. Kaha ngwenyi, “Omu Ngwapwile nakwenda nakukanduka hapili,” ngwenyi, “Ngwejile nakukanduka. Kaha Lunga umwe ejile haze hapili,” kaha ngwenyi, “Ikiye apwile namukuta kunyima yenyi wapwile waunene kuhambakana uze Lunga.” Kaha ngwenyi, “Ikiye apwile kaha nakuhwimasana nakufutumwina, kaha kutambuka jitambo jajihi, kweseka kukanduka. Kaha Ikiye ngwenyi, ‘Mukweze, Ngukukafweko kukumbachisako echi chiteli helu hapili?’ Ikiye ngwenyi, ‘Nduma, Nanguyihakaho amilyavene.’” Ngwenyi, “Ngwatalile kulivoko Lyenyi,” ngwenyi, “Ngwatachikijile jino nge echi chili chimweno. Ikiye apwile naviveza mulivoko Lyenyi.” Ngwenyi, “Ngwaholokele hamavu, kaha Ngwambile ngwami, ‘Mwata, Ove uli nakulongejeke shili javakaye omwo musaka?’ Ikiye ngwenyi, ‘Nduma, Nguli kaha nakulongejeke jove kaha. Mangana ove ukanduke kupili, mangana ukanduke helu.’”

¹⁰⁷ Omu mukiko chili. Kachi etu natutala nakujinguluka, etu natuwana nge Ikiye ali nakulongejeke jetu. Echi kachakulingishile ove kwivwa kukeha? Kupihya chetu, muchima waukeya, mwomwo katweshi kuhasako!

¹⁰⁸ Hano lwola lwakunyima Ngwapwile muunyanga. Nge omu munatachikiza, Ngwazanga unyanga. Kaha kwapwile mukweze umwe wamupi mulize lifuchi, ikiye apwile mukweze wamupi. Kaha ikiye apwilenga nakusekeleka yami mwomwo Ngwahonene kwasa mwana mbala. Ikiye ngwenyi, “Kupwa na kukenyuka.” Ngwambile ngwami, “Mwomwoika kaweshi kupwa wamwenemwene, chinyanga utoma na kwasa vavuli vanakolo navyuma vize vyakukola vinatela kufwa? Kalunga atu hanyinevo etu. Echa vavandende na manevo na vyuma . . .”

¹⁰⁹ Ikiye ngwenyi, “Ha, ove uli na muchima wakasumbi, mukakunangula!” Mutwalilaho kungulweka yami ngocho.

¹¹⁰ Ngwambile ngwami, “Jino, tala, kachi Ngwapwanga nazala kaha Ngwatonda umwe mwana mbala, Ngwafwelela Kalunga keshi nanguhane ko umwe. Oloze kumwasa kaha nakulisolwesa,” chamwaza, ikiye azalishilenga litemba to. Kaha ikiye ayile kaha amusanyikile, na nge kapyololo, kaha ikiye embile uze kapyololo kwivwakana nge mwana mbala ali na kusanyika. Likumbi limwe twapwile mumusenge hamwe. Ngwamwivushile ikiye sonyi, Ngwambile ngwami, “Nangwivwa sonyi hali yami lyavene.” Kujiha vana va mbala eyite mokomoko teni lwola lwolumwe, kachi ikiye mwahasa, kulinga na vyuma vyosena, kulisolola kaha, pamo kuvatulako vihanda nakuseza vyosena haze vene. Ngwambile ngwami, “Ove kawatela kulinga ngachizeko.”

“Ha,” ngwenyi, “enu vakakunangula mukwechi muchima wa kasumbi!”

¹¹¹ Likumbi limwe ikiye emanyine kunyima ya muchipapa, ikiye apwile nakwate kapyololo kaha ikiye atambakanyine, kaha yevwakanyine nge mwana Mbala ali nakulila. Omu alinge ngocho, fumbokaloko wamwaza olwele mutwe wenyi, kwiza mbulika mbulika. Enu munahase kumona naaze meso eyi achila kutalatala. Ikiye apwile nakutalatala. Ikiye apwile nakujinguluka nakutala. Uze chinyanga akatukile, akokele uta mangana ase uze fumbo. Kaha uze fumbo amumwene uze chinyanga. Oloze, munatachikiza, chize kutambakana cha mwana mbala, ikiye kamwene uze utako. Ikiye apwile kutonda tonda uze kamba; apwile muukalu. Munatachikiza, chize kusoloka cha chisemi wamwenemwene na zangi ya usemi, palanga nomu mwatalisa kuli uze uta meso na meso, nakufwa, kutala muze mumuyengo wauta. Mwatachikiza ika, chize kusoloka chapwile chachinene, wapwile kwakamwihi na ikiye, ikiye ambilile uze uta hamavu! Ikiye alahile nakungukwata yami hamavoko, ikiye ngwenyi, “Billy, ngulombeleko yami, Ngunapunga nechi lwola lwa luvulu!” Omwo ikiye amwene chize kusoloka chaundume chausemi!

¹¹² Mamalelo, omwo aka kaye nakamona kusoloka cha zangi ya Kalunga, na undume mukachi ka muchima, chihandwa muka nachineha. Omwo etu natwecha Katela ka Kalunga kwiza kumichima yetu na kalemesa ketu, kutulingisa etu kupwa vakuvova.

¹¹³ Muze mu mupambo ha mungowa kunyima kuze, yami kwimana kuze na kulombelela uze kanyike walunga, Ngwamutwaminyine ikiye kuli Mwata Yesu. Kufuma hazevene, ikiye apwile wamwaza, chinyanga utoma.

¹¹⁴ Punduvane, ikiye ashinganyekele nge apwile nachuma chakwoloka, ikiye nahase kulinga kala chuma atondele kulinga.

“Vaze kuchihela chami, vakiko vali nakulya alfafa omwo mwosena navazangila kulya.”

115 Ngwambile ngwami, “Echi chakwoloka, oloze chikeshi chauthuko kulinga echi.” Enu mwatela kusuula malusesa enu. Ove Kalunga, pwako nakeke, nge echi tuchilinga.

116 Hano lwola lwakunyima, mu, mamalelo, mwahichi pamo myaka handulendi, kwapwile Mukakulishitu wamunene ayoyelenga ku southwest United states. Lijina lyenyi apwilenga ikiye Daniel Curry, lunga wamwaza, lunga wakumukomoka Kalunga, lunga mukakujila, Mukakulishitu wamwenene, lunga uze muthu wosena ashinganyekelenga hali ikiye chikuma, lunga apwile wamwaza chikuma. Kaha mujimbu hinautwalilaho, nge ikiye afwile mokomoko ayile nakwingila mukuhakako mangana chikuma, kaha ikiye ngwenyi. . . nge omwo ikiye ayile Mwilu, mukiko, omwo ikiye afwile. Kaha omwo ikiye ayile kuchikolo chaupahu, uze mukakulama ejile kuchikolo, ngwenyi, “Ove yove hiya?”

117 Ikiye ngwenyi, “Yami nguli mukakwambulula mujimbu wamwaza, Daniel Curry, Ngunanganyala masauzande amyono kuli Kulishitu. Kaha Nguli. . . Ngwatondo kwiza chimene echi. Ungeji wa Chiyoyelo chami wakuma hano hamavu, Kangweshi na chihela cha kuyako jino.”

118 Mukiko nachikeza kuli ove chimene chimwe, mukashili. Mukiko mujila yoyimwe nachikejila kuli ove, mukakuhiluka kunyima. Eyi ikiko jila nachijila kuli ove wanyengetesa Shipilitu Wajila kufumisa muli vakiko, kuhona kupwa vakalemesa na kuvovuwa cheka. Ove kawalilileko ha myaka yayivulu. Ove kawatambakanyine, mwomwo Ngunahono kutachikiza mwaka uka. Kuvwala chakalemesa chosena chinayi kufuma hali enu. Punduvene. Oloze echi chili nakuya na kwiza kuchikolo chove likumbi chimene chimwe. Kaha nge wakalemesa Shipilitu Wajila mweza na kungongomweza, mwomwoika nauhonene ikiye kumwingisa Ikiye?

119 Shikaho omwo Daniel Curry ejile kuze ku—ku—ku chikolo, vakiko vengilile, ngwavo, “Etu natuya nakumona kachi ove nge lijina lyove nge lili hano.” Vakiko vatalile talile, vakiko kavahashile kuwana lijina lyenyi ko. Ngwenyi, “Nduma, kakweshi Daniel Curry hanoko.”

120 “Mamalelo,” ikiye ngwenyi, “punduvene!” Ngwenyi, “Yami ngu mukakwambulula mujimbu wamwaza.” Ikiye ngwenyi, “Ngunangalalya myono kuli Kulishitu.” Ngwenyi, “Ngunesekanga kulinga vyuma mukwoloka.”

121 Uze mukakulama ngwenyi, “Mukulwane, Ngukonekeleko kukulweka ove, nge kamweshi Daniel Curry muno ko.” Ngwenyi, “Nangukulweka kaha omwo muya nakulinga.” Ngwenyi, “Etu katweshi na lisesa hano mwakumbachila mulonga wove ko.” Ikiye ngwenyi, “Oloze ove unatondo kutwala mulonga wove?”

Kutwala mulonga wove Kulitanda Litoma lya Kusopesa, kachi ove unatondo ngocho.” Oloze ngwenyi, “Etu katweshi na keke hano yayove ko, chipwe yayindende, mwomwo etu katweshi nayove hanoko. Kakweshi keke ko hali ove.” Ngwenyi, “Ove unatondo kutwala mulonga wove?”

Ikiye ngwenyi, “Mukulwane, nyinangulinga ngachilihi Ngwatela kutwala mulonga wami?”

¹²² Ikiye ngwenyi, “Chamwaza, kahajino, ove yako Kulitanda Litoma lya Kusopesa na kutwala mulonga wove kuze.”

¹²³ Daniel Curry ngwenyi alivwile ivene nge ali nakuya muutangatanga muola imwe. Ngwenyi ikiye ejile kuchihela chimwe, kwapwile zwalala, zwalala, zwalala, zwalala. Ngwenyi, ikiye ayile lika kwakusuku chikuma, kaha zwalala yatohweleleko. Kwapwile zwalala ya kuhambakana kapapa ka handulendi, na sauzandi kuhambakana musana weji kumunyikanga. Kaha ngwenyi ikiye apwile na kuchikima, kuchikima. Kaha ngwavo, omwo ikiye ahetele mukachi ka Kumunyika, ikiye evwile Lizu ngwalyo, “Ove wapwile wakukupuka hamavu?” Lyalovokele muze mu ku—ku Munyika.

Ikiye ngwenyi, “Nduma, Kangwapwile wakukupukako,” aputukile kuchikima.

Ngwenyi, “Ove lwola lwosena wapwilenga wakushishika na muthu wosena?”

¹²⁴ Ngwenyi, “Nduma.” (Ngwenyi, “Vyuma vyavindende vyejile ku vishinganyeka nge Kangwapwile wakushishika ko.”) Ngwenyi, “Nduma, Ngwa—Ngwa—Ngwashingtonyeka ka Ngwapwile wakushishikako.”

Ngwenyi, “Ove wambulwilenga muchano muukalu wosena, muchiyoyelo chove?”

¹²⁵ Ngwenyi, “Nduma. Ngunanuka vyuma vimwe Ngwambulwilenga, kavyapwilenga vya kwolokako...vize kavyapwile vya kwolokako. Kanda—Kanda—Kanda—Kanda lyehi ngwambulule muchano muuvene.”

¹²⁶ Ngwenyi, “Kahajino, ove wambachileko chize kachapwilenga choveko, kalachuma, mali, kala chuma chize kachapwile choveko?”

¹²⁷ Ngwenyi ikiye ashinganyekele hamavu ikiye apwile wamwaza vene, oloze ikiye apwile wakupaisa. Ngwenyi, “Nduma. Nduma, Ngwambachilenga vyuma vize kavyapwilenga vyami ko.”

Ikiye ngwenyi, “Kahajino ove kawapwilenga wakukupukako.” Ikiye ngwenyi, “Eyo, Kangwapwile wakukupuka ko.”

¹²⁸ Ngwenyi ikiye apwile na kuvandamina ha kala munute kutotoka kwiza kufuma muli chize Kumunyika chachinene muze

mwapwile uze Katela natwame, “Wakupaiishiwa!” Ngwenyi, haze vene ikiye evwile Lizu kufuma kunyima yenyi, lize lyapwile liyema kuhambakana kala lizu lya chisemi wapwevo evwa lyehi. Ngwenyi ikiye alumukile na kutala. Kaha chihanga chiyema chize ikiye kanda lyehi amone, kuyema kuhambakana kala chihanga cha chisemi wapwevo, chapwile chinemana hamwe na ikiye. Kaha ngwenyi Ikiye ngwenyi, “Tata, Daniel Curry angwimanyinyine ko Yami ha mavu. Muchano vene, ikiye kapwile wakukupukako, oloze ikiye angwimanyinyineko. Yami hano ha mavu, jino Nguli nakuya na kumwimanyinako ikiye muze mwilu. Mbata shili jenyi josena na kujihaka hali Yami.”

¹²⁹ Ove mwakakwimanyinako hiya lize likumbi, ndumbu walunga, kachi ove wamunyengetesele Ikiye kufuma likumbi lya lelo? Kangweshi kanangula chekako kufuma hano. Echa tunongamenu mitwe yetu.

¹³⁰ Ove Kalunga wamwaza, mwana Mukoko wakufwa wamwaza, wakuvova, wakulinyisa, wakushikumuka. Ava tujila vakwechi maswa, kaha mimbwe vakwechi mena, oloze Ove kawapwile na chihela ko, kaha, oloze, uze vene Mwata wa Upahu! Omwo Ove wasemukile, vakiko kavapwile numba na uvwalo wakuku vwicka Ove ko. Ove Kalunga, kuwaha muka chili na uvwalo wami kuli yami jino? Kuwaha muka chili na motoka yami kuli yami? Kuwaha muka chili limbo lyami lyamwaza kuli yami? Kuwaha muka nachikaya nakulinga lize likumbi? Ove wapwile wakuhona usepa; naumwe pimbi apwile sepa Lyove. Naumwe nasoloka kutonda kukuhana Ove livoko lya kukafwa. Ove lize likumbi wahanjikile ngwovo Ove naukahanjika, “Ngwapwile na zala, enu kamwa Ngulishileko. Ngwapwile uselesele, enu kamwa Nguvwikileko.” Kuwaha muka oho tulinacho nachikaya nakulinga kulize likumbi, Mwata? Echa tukwimanyineko Ove, mangana omwo ola nalukeza mangana etu tukatambuke Kumeso Ove, ove ukwechi ngolo jakuzeneka kukuma, watwama kwosena, ukwechi-... Ove Kalunga, omwo natukevwa uze Katela, na mavava eyi natwame kuze muze mu Kumunyika chachinene, Nachikaya na kumunyika kuhita Muhaya myaka. Omwo, Ove watwama mu Kumunyika!

¹³¹ “Omwo Nangukemana kuze hali yami lyavene, va ndumbawami vamaunga vanayi, kafunga kami nayi, mama yami nayi, tata yami nayi, puwami nayi, vana vami vavandende vanayi, Ove Kalunga, Ika Nangukaya nakulinga ika jino, Mwata? Ika Nangukaya na kulinga jino? Kaha echi pamo shimbu kanda musana ushikumuka muufuku uno. Oloze ika Yami Nanguya na kulinga? Ika Nanguhasa kulinga? Ove Kulishitu, Nanguya na kwimanyinako Ove jino! Nanguya na kumbata kusakula chami lelo. Nanguya nakuhana kuhanjika chami chosena hali vathu veka naveka. Nanguya nakuhana matoto ami osena. Nanguya nakuhana chihandwa chami chosena. Nanguya nakuhana vyuma vyosena. Nguteule

mwoyosena, Mwata, mbata vyosena Nguli navyo. Ove ngumbate yami, Mwata. Ngwa—Ngwa—Ngwatondo kwimana muchihela Chove. Ngwatondo kungutewula. Ngwatondo lifwa lyosena, kulivwimba chosena, chihandwa chosena, vyosena vimbate vyosena muli yami. Kahajino Ngwakutonda kwimanyina Ove, nge mukoko vanateula, wakulizanga kuhana viseke ovyo vavuluka ngwavo chiyoyelo cha viseke, kukina kina, mazavu osena, uvwalo wa mwaka wakasautu wosena, kulitengulula, ulombo wahamivumbo, ulombo wa havyala, kulihandununa chosena chize chinasoloka nge kaye. Ove ngwove, ‘Kanda kusoloka nge kaye ko. Kanda numba kulinunga na kaye ko. Lovokamo nakufuma mulivakiko!’ Ove Kalunga! Ngukafwe yami, Mwata. Nguteule yami lelo. Ngumbate nge ngumukoko kaha echa ngupwenga ngukamama, kanda kusokolola mukanwa kamiko, kanda kuhanjika chuma chimwe ko hali echi, imana kaha na kupwa wakuteula.”

¹³² Ove Kalunga, chihandwa muka nachipwaho! Ngunanuka omwo Ove wanguteula kamwe kaha, wambachile puwami, Kemba yami, tata yami, na ndumbwami walunga. Ove wangutewile nakutomesa. Oloze, mukachi kamuchima wami, Ngwatachikijile Ngwakuzanga Ove. Omwo Ove unangukisula! Omwo Ove unapunga wamwaza! Mwoyosena omwo Ngwapwa, mwoyosena omwo Ngunahashila kupwa, mwoyosena omwo ngunahasa kupwa; mwomwo Ove, Kalunga, mwomwo Ove. Nguli nakulikonekela kuhenga chami, Nguli nakulikonekela vyosena ovyo Ngwalinga mokomoko vishinganyeka. Nguteule yami kaha, Mwata, Ngwakutonda yami kupwa mukoko Wove.

¹³³ Keshi ngocho kahako, Mwata, oloze mbata muthu wosena ali muno chimene chino, mukoko wosena, kaha navaze vanatondo kupwa mukoko, vateule vosena, chimene chino, Mwata. Haka vipundo vyavo vyavindende mumasokishi a Mujimbu wamwaza. Echa Shipilitu Wajila avatwaminyine mukwalumuka nakupihilila jino, vatachikize nge vanapunga muchihandwa kutwala kuli Kalunga. Kaha echa Ikiye ateule chihandwa chosena, kaye kosena kaha na vyuma vya mukaye vyosena. Ove teula vyosena chimene chino, Mwata, mangana twimane vakuunda na kuhola kumeso Ove, nge Vakakulishitu vakusemuka chachihya. Tuhanecho echi, Mwata.

¹³⁴ Ngwakuzanga Ove. Ngwatondo kuya, numbatuhu chipwenga ngachilihi chipwe kupwenga kuzuma, chipwe chipwenga nge nguli na kuchivwa mokomoko nduma. Ngwakutonda kuya. Ngwakutonda kwimanyina Ove, ‘mwowmo Ngwazanga Ove ukangwimanyineko mulonga wami ha likumbi lize, ngwove, “Chamwaza, ikiye angwimanyinyineko Yami, jino Nanguya na kumwimanyinako ikiye.” Ove Kalunga, tuhanecho lelo.

¹³⁵ Kaha shimbu mitwe yosena yinanongama, kaha muchima yosena yanongama. Nguli nakulikomokele chino chimene kachi

nge kuli mthuumwe hano ou natachikiza nge esekanga mujila yenyi, ove walingile vyuma vimwe ove kawatelelekulunga ko, kaha uli na kwivwa nge chino chimene nge Mwata akuteule, kaha hanjika, “Ngulingisa kupwa mukoko wamwenemwene,” unahase kuzundula livoko lyove. Kalunga akukisule, pwevo wakalemesa. Kalunga akukisule, ndumbu walunga. Kalunga akukisule, ndumbu walunga. Muthu mukwavo, “Nguteule yami, Mwata, Yami ngunema. Ngu mukoko. Kangweshi numba kusokolola mukanwa kamiko, Ngwakitonda kaha Ove kufumisa kaye muli yami.” Kalunga akukisule, ndumbu walunga. Kalunga akukisule ove, pwevo wakalemesa. Kalunga akukisule ove, kanyike walunga wakalemesa. Kalunga akukisule, pwevo wakalemesa. Kalunga akukisule, ndumbu wapwevo. “Nguteule, Mwata.” Ndumbu wapwevo Gertie. . . [Ou mukakwimba kalyalya—Muka.] Kaha Kalunga akukisule ove, pwevo wakalemesa. Kalunga akukisule ove, ndumbu wapwevo. “Nguteule jino, Mwata. Nguli—Ngulinakutonda vyuma vyosena vya kaye. . . Ngwatondo kukwimanyinanako Ove chimene chino. Ngwatondo kwimana nge mukoko wakuteula. Ngwatondo vyuma vyosena vya kaye kuvifumisa muli yami. Ngwatondo kupwa Wove kaha Ove upwenga wami. Ove Nauya nakungutambula yami, Mwata, shimbu Nguli nakukatula livoko lyami kuli Yami?” Kalunga akukisule, pwevo wakalemesa. Kalunga akukisule, mukulwane. Kalunga akukisule, mukulwane. Kalunga akukisule, pwevo wakalemesa. Kalunga akukisule, pwevo wakalemesa, Ngwamono livoko lyove. Kalunga akukisule, ndumbubwami walunga. Kalunga akukisule, pwevo wakalemesa wamundende. Echi chamwaza. Kalunga akukisule ove kunyima okwo, mama. Kalunga akukisule, ndumbu wapwevo. Echi chakwoloka, pwako kaha wakushishika. “Nguli na kutonda Kalunga ambate na kufumisa muli yami chize chinazeneka kupwa nge Ikiye, kala kujina cha lifwa Nguli nalyo, kala chihandwa echi Nguli nacho. Ngwatondo Ikiye anguteule yami vyosena, chimene chino. Ngwatondo kupwa nge Ikiye. Kangwalizakaminyineko chipwetuhu vali vakwoloka mokomoko nduma; Kangweshi na lisesa ko. Nguli kaha na lisesa lumwe, kaha lili, kwiza kuli Ikiye. Ikiye mwambata vyosena.”

¹³⁶ Kuliko muno mukashili uze kanda lwola lumwe alikonekele kuli Kulishitu, kanda vamulwile, kaha ove unatondo vakwanuke muli echi kulomba chimene chino, unahase kukatula livoko lyove, sepa mukashili? Kalunga akukisule. Mukwavo cheka katula livoko lyove, hanjika, “Ngwanukeko, Ndumbu walunga Branham. Yami kangweshi ngu Mukakulishitu ko, kaha Ngwahono kutachikiza lwola muka Nangukaya na kuliwana na Kalunga. Kaha Ngwa—Ngwakitonda vangwanukeko hano vene mumazu amukulomba, shimbu na musoka.” Chamwaza, unahase kuzundula livoko lyove kuli yami shimbu omwo nangukulombelela? Ikiye eji kumonanga. Kalunga akukisule,

pwevo wakalemesa wamundende. Kalunga akukisule, pwevo wakalemesa. Kalunga akukisule, mukulwane. Muthuweka mukwavo, “Ngwatondo kupwa, Ngwatondo . . .”

¹³⁷ Vangahi muno vanalimbuka? “Mamalelo,” ove hanjika, “Kangweshi kuhasa kwitavila echi ko, Ndumbu walunga Branham.” Oloze, tala, kachi uze Katela wakuvovo nanyi nafumu hali ove, ndumbu walunga, kuli chuma chimwe chakuhenga. Kuli chumachimwe chinahenge nge ove kaweshi kulivwulila umwe namukwavoko. Nge kaweshi kukonekela mukwenuko cha kufuma mwishi ya muchima wove, numbatuhu ika vanalingi mokomoko ika vakiko vahanjikile, kachi ove kaweshi kuvakonekela chakufuma kwishi ya muchima ko, Yesu ngwenyi, “Kachi ove kaweshi kukonekele shili ya muthu, kufuma mwishi ya muchima wove, chochimwe numba Iso wa Mwilu keshi kuhasa kukukonekeleko.”

¹³⁸ Jino, kachi nge, echi kuzuma chiliko, kachi nge lelo Kalunga mwakusanyika ove? Shimbu kuchili Kaselwoke wakusokoloka, liuka linalizange, ou Shipilitu Wajila natwame hano hasongo yayino zuvo, wakulizanga kwiza nakushikumuka na kwiza na kwingila mumuchima na kukulingisa ove kupwa wakuunda. “Ika Ngwatela kulinga, Ndumbu walunga Branham?” Twaya nakupwa kaha mukoko. Ou Shipilitu Wajila mwaya nakwiza na kusuluka omwo ove naupwa mukoko. Oloze kachi ove uli na vishinganyeka vya kuhenga, kuhenga—kuhenga chishingayeka, kutonda kupwa na jila yove, kaha kaweshi na kulizanga kusuula kuhana, kahajino Shipilitu Wajila kayeshi kwiza ko.

¹³⁹ Jino na mitwe yetu yakunongama, Ngunahono kutachikiza nge kuli kala umwe hali enu azundulanga mavoko eyi . . . Jino, Yesu ngwenyi, “Wosena owo mwewwa Lizu Lyami na kufwelela Ikiye uze angutumine Yami, ali na Kuyoya chahaya myaka, kaha keshi keza mukumusopesa ko oloze nahichi lyehi mukufwa na kwingila mu Kuyoya,” Mukakujila. Yowano 5:24. Oloze jino kachi ove unatondo kwiza kukamenga, fukama hano, echa tulombe hamwe palanga nakaze kalemesa, na kwivwa kuunda chize lwola lumwe wapwile nacho, mokomoko unatondo kupwa nacho, kwiza cheka hali ove. Shimbu etu tuli na mitwe yetu yakunongama, shimbu etu tuli na kwimba, “Kuze kuli Kaselwoke wakuzala na Manyinga,” Ngwatondo enu kwiza, fukama hamavu na kulomba. Muthuwosena jino ou natondo kwiza, fukama hamavu hano hakamenga kaha shimbu natulomba.

Kuze kuli Kaselwoke wakuzala na Manyinga,
Akufuma kumishisa ya Emanuwele,
Kaha vakashili veji kujiminyina mo . . .
(Kalunga amikisule, pwevo wakalemesa,
twaya vene kuno kaha fukama)
Kujimbalisa . . .

¹⁴⁰ Namitwe yakunongama, shikaho Ngwafwelela enu muli nechi mukachi kamichima yenu. Enu munatachikiza hiya ahokolanga jize jijila jamuliuka chimene chino, chatelanga kumilingisa enu kwivwa sonyi? Pwevo wamulatu, wakuhutwa, na tukukunya twakujimba, jikambu jangengu, jamulingisanga kwiza kukamenga.

¹⁴¹ Hano lwola lumwe kunyima okwo, lunga wa kashinakaji wamwaka va mulwilile, mulwola lwa vandungo. Ikiye ayile, kaha omwo vamulwilile, ikiye alwekele mukulwane wamilimo nge ali wakukasunuka. Ikiye ngwenyi, “Ove uli ika?”

Ngwenyi, “Nguli wakukasunuka.” Kahajino ikiye amulingishile ikiye kupwa wakukasunuka.

¹⁴² Hano lizavu likwavo lya vathu kufuma kuulwilo chimene chino. (Ngwenyi ikiye apwile wakukasunuka.) Muthu wosena twingilenu mukulomba, kaha kulomba chikuma kachi ove nauzanga, shimbu Shipilitu Wajila mwazata na vathu vali nakusakula.

Ikiye ngwenyi, “Mose, ove wahanjikanga ngwove wakukasunuka?” Ngwenyi, “Eyo, mukulwane, mukulwane wamumilimo. Yami ngwakasunuka.”

¹⁴³ Ngwenyi, “Kachi ove wakukasunuka, kahajino Yami nanguya nakukulingisa ove wakukasunuka, nawa. Yako ukanangule Mujimbu wamwaza.”

¹⁴⁴ Omwo apwile wakulizanga kufwa, vavavulu vandumbwetu vatoma kwiza na kumumona ikiye, kaha omwo valingile, ikiye ngwenyi, ashinganyekele ikiye kupwa mukulezumuka. Omwo ikiye atonene, ikiye ngwenyi, “Ngwashingtonyewekele Ngwayanga.” (Kalunga amikisule, ndumbwami walunga, ove fukama hamavu, haze.) Ngwenyi, “Ngwashingtonyewekanga nge Ngunanyi.”

Ngwenyi, “Ove wamonanga ika, Mose?”

¹⁴⁵ Ikiye ngwenyi, “Omwo Ngwatambukanga muchikolo, Ngwamumwene Ikiye.” Ngwenyi, “Ngwemanyine, kutala hali Ikiye.” Kaha ngwenyi, “Kuze kwapwile Kangelo kwiza kaha ngwenyi, ‘Twaya kuno, Mose. Ove unanangulanga Mujimba wamwaza myaka yayivulu, ove ukwechi chikuto na muchama vinakukvandamina.’” Ikiye ngwenyi, “Kanda kuhanjika kuli yami ha chikuto na muchano ko. Kangwazangile chikuto na muchama ko. Ngwatondo kaha kutala hali Ikiye.” Ngwashingtonyeweka evi vikiko vilinga vya kala Mukakulishitu.

¹⁴⁶ Hano lwolalumwe okwo, jila yakuya ku Chicago, Ngwapwile mu Coliseum, museum, kaha, Ngwapwile na kutala mwosena muze. Ngwamwene muthu Ulava wamwaka, natujikambu tutoma nge kamufunda kujinguluka mutwe, kutambuka na kujinguluka muze, na litepa mulivoko lyenyi. Ngwatalile hali ikiye. Ikiye kutala muchihela chachindende, kaha ikiye atumbukile, kaha masoji aputukile kuhita nakupwelumuka

kumakili eyi alava. Ikiye aputukile kulomba. Ngwamutalile hali ikiye shimbu yayindende. Ikiye atalile cheka, aputukile kulila cheka. Ngwatambukile nakuya kuze kaha Ngwambile ngwami, “Mukulwane.”

Ikiye ngwenyi, “Eyo, sepa utoma?”

Ngwambile ngwami, “Ngwakumono ove uli...Ika unawahilila chikuma? Ika ove unawahilila chikuma?”

¹⁴⁷ Ikiye ngwenyi, “Mukulwane, kachi ove nawivwa kuchihanda chami, Ngukwechi tufungunya kuchihanda chami.” Ngwenyi, “Ngwapwile lwola lumwe ndungo.” Ikiye ngwenyi, “Muli eyi kembwe yamangilashi yayindende, muli ize ndeleji ili haze.”

Ngwambile ngwami, “Ngwayimono ili ndeleji, oloze chuma muka chakulimanyina neyi ndeleji?”

¹⁴⁸ Ikiye ngwenyi, “Lize lipenga lili haze,” ngwenyi, “ali manyinga a Abraham Lincoln.” Ngwenyi, “Aze manyinga afumishile muhya wa undungo hali yami.” Ikiye ngwenyi, “Jino, lunga utoma, keshi kupwa na kuwahilila hali ove ko, nawa?”

¹⁴⁹ Ngwahakile mavoko ami mushingo yenyi yamwaka, Ngwambile ngwami, “Kalunga akukisule, ndumbu walunga. Ngunatachikiza Manyinga akwavo eji kungulingisanga yami kuwahilila.”

Ikiye ngwenyi, “Ngunatachikiza aze Manyinga kana, nawa, mukulwane.”

¹⁵⁰ Ngwambile ngwami, “Ikiye ambachile muhya waundungo hali yami.” Likumbi limwe Ngwalovokele ha Chalumingo na kulaha nakulinga vikwavo, kaha na kuhanjika usesa wamajilo. Kaha, Ove Kalunga, kaha Ngwachilingile ngachilihi? Hanga nguli naviveza mukachi muchima wami kuze Ngwachilingilile. Oloze Ngunawahilila ambachilile muhya nakuufumisa hali yami. Wosena waya jino, Ikiye emanyine mu chihela chami.

¹⁵¹ Hano lwola lwakunyima okwo, kutala hali pwevo, kaha ikiye apwile wakasautu Ngwatondele kumupaisa. Kalunga anguhanyine chimweno. Ngwamulombelele ikiye jino, mwomwo Ngwamwene nge shili jami jili jainene nge jenyi. Kaha Ngwatambukile kuze kwapwile kaha ngwatwamine kusali yenyi nasonyi, kumulweka ikiye Ngwapwile mukakuzata. Masepa jenyi vavali va malunga...Ikiye apwile kafwe sikisite faifi mokomoko sevete namyaka yakusemuka, vaze masepa jenyi vamaunga vafukamine haze vene, kaha vosena vahanyine michima yavo kuli Kulishitu. Mamalelo, yami, chihandwa muka!

¹⁵² Enu kamweshi? Enu munavulumuna chikuma, chimene chino, enu muli na muchima wilava chikuma na kutachila palanga nomu Shipilitu Wajila mwahona kuukwata tahi? Pamo uze Katela nambate kuyoya Chenyi cha Hayamyaka na kutuka nacho, Chinayi kunahu.

¹⁵³ Kalunga akukisule, uchi wami. Kanyike wamundende kutambuka nakwiza. Kalunga akukisule, muchima wami. Ove ngwove, “Uze kanyike wamundende katachikijile ko.” Mamalelo, eyo, ikiye nejiva. Ikiye katangile chikuma mikanda ko na mijimbu ya zangi ya mwaka nge enu vosena. Ou ukiko ukalu, ikiye ali wakuvanguluka. Yesu ngwenyi, “Echenu vanyike vavandende veze kuli Yami.”

¹⁵⁴ Muthuumwe mukwavo nasake kwiza, nakulinunga chimene chino? Ou kamenga nasokoloka. Lwola lwalundende, shimbu tuli nakwimba kamwe kaha, kahajino etu natuya nakulomba shimbu ava vakashili vakuhokoka vali nakulomba.

Uze mwiji hakufwa awahililile hakumona
 Uze Kaselwoke mu... (Punduvene, vyosena
 vyaile, uze mukwetu wakuhutwa akumine.)
 Kaha kuze echa Yami, chipwe ngwapwa nge
 ikiye...

¹⁵⁵ Enu kamweshi kwizako jino? Enu kamweshi kwiza ko, enu munatachikiza kanawa? Eyi Mbimbiliya ngwayo, “Kachi enu munatachikiza kulinga mwamwaza, kaha kamute kulingamo, kuli enu chinapu kuhambakana shili.” Enu kamweshi kwiza ko? Enu munatachikiza nge munahenge. Wana jila yove na kwiza na kufukama kuno kukamenga, kaha mulweke Kalunga ove vakukonekele mujila kana omwo unamulinginga Ikiye. Echa ou Shipilitu Wajila akinduluke na kukulingisa ove kupwa wakuvova na kalemesa na kuunda cheka. Enu kamweshi? Anuka, kachi ove naufwa, kaha Ikiye nalivange kulutwe lwove, kakweshi kapwa umwe mwakakuhakwilako mulonga wove ko. Ikiye ali nakutonda ove kumwimanyinako Ikiye chimene chino. Kalunga akukisule, ndumbwami walunga.

¹⁵⁶ Ali nakuvandamina. Omu mukiko, va fifiteni kaha muliuka ava vali nakuchivwa nge vanapaishiwa? Enu munayoyo mukuunda, kuvova, vakalemesa, na chiyoyelo cha kuhola? Jino, echi vanakuchitwaminyina kuli Shipilitu Wajila. Ove wapwa mukakukonekela, kawatwama navakakoleko? Kuyoya kuhambakana, helu lya kupaishiwa cha vakashili? Ove kawayoya nge vaka makombeloko, ove wayoya mwakuhandunuka? Chiyoyelo chenu vachitunga mweka? Ou Shipilitu wa Kalemesa na twame halitanda lya muchima wove, kukulingisa ove kuyoya mwakuunda na kuhola na zangi, hali vathu vosena? Vaze mwalihata navo kaha vosena vatachikiza, kaha vosena mweji kuzachilanga hamwe vatachikiza, nge ove wapwa wakalemesa, wakuhola, wakuvova, Mukakulishitu wakulinyisa? Uze Katela wa Kalunga ali nayove? Ove punduvene? Echi chinahase kupwa lusesa lwove lwa makumishilo. Chosena chakwoloka.

¹⁵⁷ Kahajino enu hano hakamenga, Kalunga amikisule. Enu kamweshi kamisopesako jino. Ou Shipilitu Wajila nanehe lyehi

kusopesa kuli enu. Kaha enu kamwesekanga kulama malusesa enuko, kuhanjika, “Mamalelo, Ngunapunga Mukakulishitu tando yayisuku. Kangwatela kuyako.” Vamwe muli enu, lwola lwenu lwatete lwakwiza kukamenga. “Ngunahase kutwama mukashili nge Ngunatondo, elu hilusesa lwami.” Yaa, echi chakwoloka. Ove uli nalisesa, unahase kulinga mwoyana omwo unatondo. Oloze mwasuulanga malisesa enu chimene chino. Hanjika, “Ika vakiko navahanjika, yami kulivuluka Mukakulishitu kahajino kuya na kukamenga, ika vakiko navahanjika?” Oloze Kalunga ali nakuhanjika ika? Ikiye ngwenyi ove kwiza, kaha ove unachilingi echi. Jino enu munasuula malisesa enu, enu muneza na kupwa na Shipilitu Wajila wakalemesa kwiza na kumbata chihela mukachi ka michima yenu lelo. Ngunatachikiza Ikiye mwaya nakuchilinga echi. Ngunatachikiza Ikiye mwachilinga. Ikiye ashikile Ikiye mwaya nakuchilinga. Kuze, Echi katweshi kuhasa kuchikafwako, katweshi kuhasa kuchikafwa kwizako. Ikiye ali nakulambilila, kulila, afwile, na vyuma vyosena, kutonda chihela mangana ezenga, kutonda kwiza muli ove.

¹⁵⁸ Kaha mujiola ja kufwa, omwo kangelo wakufwa mwakatwama kumahinji amuhela, ove mukatale havyuma vyavipi, kaha tachikiza nge ove wakanyine lwola lumwe, kaha jinonyi mwono wove wejile na kwiza na kupwa wilava kaha wakutachila, lwola lweka lwauchiko, numbatuhu ove mukalila chikuma ngachilihi. Yisau avulumwine shili yakufuma kulikoji. . . mulikumbi lyenyi lyalikoji, eyo, kaha kazachishile lize lihayako. Ikiye alilile chikuma, kweseka kuwana lihayo lya kwolola, oloze ikiye kahashileko. Kalunga amusanyikile lwola lwamakumishilo.

¹⁵⁹ Oloze enu mwasuulanga malisesa enu na usepa wenu, na vyosena mwapwanga nakwivwa na vyuma vyosena, chimene chino, na kwiza kuno. Enu mwasuulanga malusesa enu, nakufukama kuno na kuhanjika na Kalunga. Nguli nakumulweka ha Lizu lya Mwata, nge Kulishitu ngwenyi, “Wosena mweza kuli Yami, Kangweshi kuhasa kukamuhangako.” Jino shimbu ove uli kukamenga, pihilila nakwalumuka, mulweke Ikiye nge ove akukonekeleko walingile ovyo walingile.

¹⁶⁰ Ou ukiko ukalu vathu vahonena kutambula Shipilitu Wajila omwo vakiko vavajimika, vakiko kavalumuka chakupihilila kanawako. Kalunga kweseka kuvahana vakiko Shipilitu Wajila. Ikiye natondo ove kupwa wakuvova na kalemesa na kuhola. Ou ukiko mulonga ove naupwa na lifwa lyolimwe mumuchima wove. Mamalelo, ove unahase kuhinduka, nakutambakana, kuhanjika mumalimi, mokomoko kala, echi kacheshi kukulingisa ove kupwa na Shipilitu Wajila kutwama muli ove ko. Ove watela kufuma haze umuthu weka. Ove watela kufuma haze, wakalemesa, wakuholo na kuvova, kulinyisa, kaha Shipilitu

ya Kalunga na yitwama muli ove. Mwaka nawizaho, tala hanyima nakulandula na kumona kusuha chove okwo unafuminyina, tala nge uli nakuya kulutwe lwola lwosena. Nge Shipilitu Wajila. Ou Shipilitu Wajila apwa zangi, kuwahilila, kuunda, kuvandamina chikoki, kuvova, kalesesa, kukakachila, lufwelelo. Jino, alumuka kaha nakupihilila na kumulweka Kalunga nge ove unatondo lize lisesa jino. Ikiye ali... Ikiye mwaya na kuchilinga.

¹⁶¹ Kanyike wapwevo wamundende, ove haze, uchi wami, ove linga mwomumwe. Vakukisule. Mama yove nemana na mavoko enu hali ove.

¹⁶² Ou mulatu ndumbu wapwevo wamwaka haze, nanongama hakamenga. Ove pamo weji kulyanga katota na senga, pamo wayoyela mukapete, mwomwo omwo mukiko Ngunejiva, ndumbu wapwevo. Kalunga akisule muchima wove, kuli nganda vanakulongesela yayove mu Upahu chimene chino. Chakwoloka.

¹⁶³ Kutala hano hakamenga kaha Ngwamono pwevo wakalesesa, alinakwalumuka wangengu, vupu lya pwevo na mutwe wenyi wakunongama, pwevo wajakambu jitoma wakujikiza. Ove Kalunga! Tala uze lunga nafukama, naveka nawa haze. Alumukenu chakupihilila, mulweke Ikiye nge ove vakukonekele. Mulweke Ikiye nge ove kaweshi kachilingako cheka. Ha likoji Lyenyi, ove mwambulula kuhandunuka chosena ove unalingi, kufuma lelo nakulutwe. Ove watondo kupwa wakalesesa na kuhola. Ove watondo kupwa wakulinyisa na kuya okwo Ikiye mwakutwaminyina.

¹⁶⁴ Nge vathu navahanjika vyuma vimwe, numbatuhu nachisoka chakwoloka ngachilihi, ove muya na kusuula malusesa ove nakuhanjika kuli walihata nenyi. Ove muya nakuhanjika, ove muya nakuhanjika hali Yesu. Ove muya nakulinga chuma chize chakwoloka. Ove kaweshi kulovoka nakuya nge chihwangako. Ove kaweshi kuya nakutumbuka hali wakuzeneka mulongako. Oloze ove unamono chize kuzata chaundume cha Mukakulishitu wamwenemwene, kaha ove unatondo kupwa nge vakiko. Ove kawatela kulweka mthuumwe ko ove wu Mukakulishitu, kachi ove uli umwe, vakiko vanachimono kaha vanatachikiza omwo ove uli nakuhanjika. Ove uli wakujika mukachi na kuweluka.

¹⁶⁵ Jino, shimbu muli na kulinyisa mukachi kamichima yenu, pihililenu nakwalumuka jino. Mulweke Kalunga, nge ove “vakukonekele,” ove “Kaweshi kachilinga cheka ko,” ove “Unevwu sonyi” yayaove lyavene, mujila unalingi. Kaha jino Nguli nakumulombelela. Kaha Ngwafwelela, hano vene, kuunda chitwame mumuchima wove, kuunda kaha nge kalwiji ali nakuhingunuka ku mwono wove. Ove pamo kaweshi kutambakana, ove pamo kaweshi kuhanjika malimi ko, ove

pamo kaweshi kutumbuka helu chipwe hamavu; oloze ove muya nakuya kufuma kukamenga na Chumachimwe muli ove, Chumachimwe muli ove chize nachivuma nakukutwala ove kuze kukulusu yamwaka yakutuyuka tuyuka shimbu ove uli nakuyoya. Jino tulombe, shimbu omwo Nangulinga. Kulikonekela.

¹⁶⁶ Ove Setu wa Mwilu. Etu tengeso yakuhona kutela, mukuzuma kana, kutukuchila mukapete chimene chino, chimbokoshi cha kutukuchila; oloze, Kalunga, Ove watukuchilile hali etu. Uze Shipilitu Wajila ejile suluka, kukunyukisa vathu nge vakiko vahengele. Vakiko vapwile nakuvulumuna. Mashipilitu avo apwile amanya. Vakiko vejile nakupwa vautenu, vakaliwu, mwatala temo, keshi vakulizanga kupihilila nakwalumuka ko, keshi vakulizanga kukonekela vathu vaze vanavalingi vyuma vimwe na vakiko ko. Vakiko kaveshi vakulizanga ko, oloze lelo ou Shipilitu Wajila nambate Lizu lya Kalunga, Kulihaka mukachi kamichima yavo yakalemesa, kaha ngwenyi, “Jino enu mwatondo kwiza na kukinduluka kuze mwapwile kulwola lwatete luze mwejile kukamenga, kwiza kuze muthu wosena, mwazanga kalamuthu, kaha enu namunguzanga Yami na zangi yakufwila? Kahajino katuka na kwiza ku kamenga.” Vakiko vachilingile echi, Mwata.

¹⁶⁷ Jino, Ngwalombo jino nge Ove muya nakuvajilika vishinganyeka vyavo, Mwata, jilika michima yavo, valingise vapwe vakalemesa na kuunda. Echa vakiko vakatuke kufuma kukamenga jino, hanyima vakiko vanalumuka nakupihilila, kuhana chiyoyelo chavo kuli Ove, yako kumazuvo avo. Numbathu ovyo navisoloka, kachi lunga mwapihilila, mokomoko pwevo mwapihilila, mokomoko mwalihata nenyi mwapihilila, mokomoko muthuumwe uze uli nakuzata nenyi mokomoko mwazachila hamwe, “Yami nanguya na kupwa wakalemesa nge katela.”

¹⁶⁸ Hanyima ya vyosena, Utenu wapwa kuli Ove, “Nanguya na kushishisamo, mukiko mwanambe Mwata.” Omwo etu tunawane ngocho, Mwata. Imana kaha kulu, pwako wakalemesa, tala Kalunga ambate... twaya kuno kuli Mwana mukoko. Punduvene, mukiko vene. Ou Kafunga wamwaza kuhana Kuyoya Chenyi hali vakiko, Ikiye ejile vene kuli mikoko Jenyi. Kaha Ikiye mwaya nakuvatwaminyina vakiko. Mamalelo kuli uze mwavafutwisa vakiko! Mamalelo kuli uze umwe mwahanjika lizu limwe hali vakiko! Ngwenyi, “Chatela kuli vakiko kachi lilolwa lya kuchekesa mungwa kuvakashilalyo hashingo, na kuvalondomesa hakajinga ka kalungalwiji. Vangelo Javo lwola lwosena vatwama kumeso a Tata Yami ali Mwilu.” Talenu? Ove Kalunga, etu twatondo... “Shimbu ove muvalinga vakiko, ove linga ngocho nakuli Yami nawa.”

¹⁶⁹ Shikaho, Kalunga, Ngwatondo kupwa wakalemesa. Nanguli haka ami lyavene ha kamenga, nawa, chimene chino; keshi

chimene chino ko, oloze chimene hi chimene kaha halikumbi hakumbi. Ngwatondo kupwa wakuholo na kalemesa, nge omu apwa Yesu. Tuhanecho echi, Tata. Tukafweko etu kupwa ngocho jino, echa kujindama cha makimba a zangi kujinguluka hali myono yetu.

Kuunda! Kuunda! Kuunda chamwaza,
 Kwiza kufuma kuli Tata kwilu; (Kanda enu
 kwivwa Echi jino mukachi ka muchima?)
 . . . hali shipilitu yami hayamyaka, (Haleluya
 Haleluya!) . . .
 Kuunda! Kuunda! Chamwaza . . .

¹⁷⁰ Ndumbu wapwevo Gertie ngwenyi lweka liuka nge ikiye napaishiwa, nawa, oloze ikiye ali nakulingisa kalyalya kupwa kamenga kenya. Hakupwa kamenga, kaze kalyalya kenya kakiko kamenga, ngwenyi, “Lweka liuka lingulombelele,” shimbu natwame haze na masoji ali nakuhingunuka muvivanjilo vyenyi. Eli litanda lyami likoko kamenga kami. Ngunapihilila nakwalumuka, nawa, Mbimbiliya yami yazovo. Ove Kalunga!

Kuunda, kuunda cha Kalunga!
 Kwiza kufuma kuli Tata helu; (Mamalelo,
 haleluya!)
 . . . hali shipilitu haya myaka . . .

¹⁷¹ Kalunga, kachi Ngunavulumuna na kala muthu, na Ove, jimbate nakumbila, Mwata. Mbata shili nakufumisa muliuka lyami lyalindende, chimene chino.

¹⁷² Vangahi vali nakwivwa nge Kalunga navakonekela, kaha Katela wa Kuunda natwame ha muchima wove cheka? Ikiye natuku na kukinduluka jino, na mbate chihela Chenyi. Ou Shipilitu Wajila na kinduluka cheka kaha ngwenyi, “Mwana Nami, Ngunapunga na kutonda kuzanaga ove lwola lwosena. Ove kawahashile kungwitaviza Yami kulinga echi ko. Kangweshi kutwama na shipilitu yove ya lifwa. Oloze jino ove hakupwa unalihane, Ngunakinduluka cheka mumuchima wove chimene chino.” Vangahi vali nakwivwa ngocho? Katula livoko lyove. Katula livoko lyove, echi cha kwoloka, vosena vali kukamenga. Mamalelo, echi chilikanawa. Vangahi mulikungumbuwa vanevu ngocho? Katula livoko lyove. Mamalelo! [Ndumbu walunga Branham kuhanjika kuli mukakwimba kalyalya, “Kupwa Nge Yesu.”—Muka.]

¹⁷³ Ove Setu wa Mwilu, etu twasakwilila Ove halwola luno lwaluvovu, lwakulijilika, nge kumbata apo mulivoko, kuyitwa, kuyichika, palanga nomu nayiza na kupwa mwezu, mwezu uze numba kamba wamundende nahase kutwama na kulya. Omu mukiko tuli nakutonda michima yetu, Mwata. Yimbate mulivoko lyove lya vyala vyamwaza, chika kaha, kuhanjika, “Mwanami, ove kawamwene nge unangukolesa Yami? Ove wapwile nakungukolesa Yami omwo wechanga chindende

kuchikundo nge ngana. Ove apwile nakungukolesa Yami, mamalelo, muchima Wami wahichisanga manyinga hali ove, mwanami, omwo ngwakumwene ove kulinga vyuma *vize na vize*. Oloze jino Ngukwechi muchima wove muli voko Lyami, Ngwatondo kuulinga vene kupwa wakuvova. Ngwatondo kulinga ngocho mangana Nguhase kuuzachisa na kuyoyelamo. Ngwatondo kutuka nakukinduluka nakuhanjikilamo chimene chino, Ngwatondo kutuka nakukinduluka na kutwamamo, kulinga kutwama Chami na ove.” Tuhanecho, Kalunga. Etu twakuzanga Ove. Tuhanecho, ha upahu Wove. Etu twalombo Mu Lijina Iya Yesu.

Kupwa nge Yesu, ku... (Kamwazangile kulifukula kaha nge ngana ko? Mamalelo, mwono wami uli nakusana.)

Ha mavu Ngwa... (Kumumona Ikiye kwiza hamavu muli—vakakulifukula nge ngana, muchima wove kwivwa vene wakalemesa? Muchima wami uli nakuveta lumbushi.)

...ungeji wakufuma hamavu nakuya mu Upahu

Ngwalombo kaha kupwa nge Ikiye.

Enu munahase kuzundula livoko shimbu tuli etu nakwimba?

Kupwa nge Yesu, ku... .

(Joe, ove unatondo kwiza kuno nakulomba chimene chino, ndumbu walunga? Kalunga akukisule. Kukuwanyina chihela hano hakamenga, Ndumbu walunga Joe. Kalunga akukisule.)

...ungeji kufuma hamavu nakuya mu Upahu

Ngwalombo kaha kupwa nge Ikiye.

¹⁷⁴ Ngunatachikiza kwazumu, sepa. Ngunatachikiza mukiko chili. Oloze Ngwa—Ngwafwelela enu mulinakwivwa nge omu Nguli nakwivwa. Mamalelo, Nguli kaha nakwivwa nge Ngutuke nakuya. Omwo Ikiye apwa wazangi! Ika Nangulinga? Kulihi Nanguya? Ove Kalunga! Kulihi nguli nakuya? Vali Nakungutwaminyina kulihi? Na chipwa nakupwa ngachilihi—nachipwa ngachilihi? Yami Nanguya nakupwa kulihi mumyaka handulendi kufuma hano jino? Kachi kangwapwile na Ikiye ko? Kulihi, kulihi kweka kwakuswama?

Kufuma Mumbetelema muze mulingolengole mwafumine Ngeji,

Ha mavu Ngwafwila kupwa nge Ikiye;

Mu chiyoyelo cha ungeji wami wosena kufuma hamavu nakuya ku Upahu

Ngwalombo kaha kupwa nge Ikiye.

Tuvosena hamwe jino.

Kupwa nge Yesu... (Kwalisa chipwenga kuli
 Kalunga! Eyo, Mwata! Eyo, Mwata! Keshi
 nge kaye ko; nge Ove!)
 ...kupwa nge Ikiye;
 Mu ungeji wachiyoyelo wosena kufuma
 hamavu nakuya mu Upahu
 Ngwalombo kaha...?...

¹⁷⁵ Shimbu enu mukwechi mitwe yenu yakunongama, Nguli nakuya nakumihulisa enu chuma chimwe. Muthuumwe muno ali nakuhona kusuwulwisa Shipilitu Wajila. Muthuumwe vanamusanyika. Nguli nakuhanjika mu Lijina Iya Mwata Yesu, nge kapolofweto Kenyi. Nguli nakwivwa muchima Wenyi unalemana. Kulovoka muze, muthuumwe azenekele kumwonoka Ikiye, keshi neza. Kaweshi ove kwizako jino?

Mu ungeji wa chiyoyelo wosena kufuma...
 (Eyo, ndumbu wapwevo, oloze muze muli
 kuhambakana ove)...Upahu
 Ngwalombo kaha kupwa nge Ikiye.

Kupwa kaha nge Yesu...(mukiko kaha
 kufwila chami, kuvova na kushikumuka,
 kulinyisa, kupwa nge Ikiye.)
 Ha mavu Ngwa... (Kaweshi kwiza kuno jino?
 Kalunga natondo kumona kutambuka, kuli
 vene lizavu lyenu.)
 Mwosena...

¹⁷⁶ Ngunatachikiza ove wapwanga na kwiza. Kalunga akukisule. Kalunga akukisule. Kalunga akukisule. Mukiko kaha. Mukiko kaha. Ngwatalanga mulikungumbuwa, kaha muvwimbimbi waupi wilava kusukama haze Ngwamonanga. Ou Shipilitu Wajila ali hano jino. Ali hali yami hano vene. "Kunyengetesa Shipilitu Wajila."

Kupwa nge Yesu...

¹⁷⁷ Ikiye alingile ika? Ayile kuze Ise amutwaminyinyine. Kalunga akukisule, ndumbu walunga. Kalunga akukisule, ndumbu walunga. Echi chakwoloka, tambuka nakwiza kuno kaha fukama hamavu.

Ha mavu Ngwafwila...

¹⁷⁸ Jino hilwola lwa mwaka lwa kulikonekela, kulyolola, nakwolola. Twaya jino. Kwivwa lika nge muvali vavavulu muno. Kalunga Akukisule, pwevo wakalemesa. Kalunga akukisule, pwevo wakalemesa. Kalunga akukisule. Kalunga akukisule. Kalunga akukisule. Echi chakwoloka. Ou Shipilitu Wajila shimbu yosena apwa wa kwoloka. Twaya kuno. Echi chakwoloka, tambuka nakwiza kuno.

... Ikiye.

Kupwa nge Yesu, kupwa nge, eyo, Yesu,
Ha mavu Nguli... (Mamalelo, yami, echi
chakwoloka! Ikiko jila, zalisa kaha jila
yamuzuvo, tambuka kaha nakulovoka na
kulomba.)

Kuhita mu ungeji wa chiyoyelo kufuma
hamavu na kuya mu Upahu, (Pihilila
kaha nakwalumuka, mulweke Kalunga nge
akukonekeleko, mukiko kaha ove watela
kulinga.)

... kupwa nge Ikiye.

¹⁷⁹ Kamweshi kutwalilaho kwiza likako jino? “Ku...” Echi
chakwoloka, pula kaha nakusekenyesa, twaya kaha. “Kupwa
nge...”

¹⁸⁰ Muya nakulinga ika? Hiya mwakaya nakukwimanyina ko,
pamo ufuku uno? Hiya mwakaya nakukwimanyina ko ove
omwo kufwa nachikeza mujila yove? Numbathuhu vyosena ovyo
unalingi, ou Shipilitu Wajila natwame hakamwihi na ove okwo
vene uli. Ikiye Vene ali nakutonda ove wizenga.

Mu ungeji wa chiyoyelo kufuma ha mavu na
kuya mu Upahu

¹⁸¹ Pihilila kaha nakwalumuka, hanjika, “Kalunga,
Ngukonekele. Kangwa—Kangwatondele kulinga chize ko. Ove
kaweshi kangwimanyina ko kachi Kangweshi kukwimanyina
ko Ove jino. Kaha Ngwatondo Ove kungwimanyinako yami,
kaha Nguli nakukwimanyina ko Ove kufuma likumbi lya
lelo. Nanguya na kuyoya nge Mukakulishitu omwo apwa.
Nanguya na kwalumuna jijila yami. Nanguya nakupwa
wakalemesa kaha wakuholo. Nanguya nakwecha vathu veka
naveka vahanjijekenga thuhu, kala vyuma. Nanguya nakuyoya
mukuvova na kuhola kumeso Ove.” Numbathuhu kangahi
mulivuluka kupwa Mukakulishitu, liuka muka watwamamo,
chize kacheshi na chumako. Twaya kaha. Kalunga akukisule.
Tambuka nakulovokamo, ove mwana.

¹⁸² Kalunga ali nakuhanjika kuli ove jino. Kachi enu
namungufwelela yami kupwa ngamba Yenyi, ou Shipilitu
Wajila ahanjikanga kuli yami chimene chino, ngwenyi, “Sanyika
chize kusanyika, muze muli vavavulu.” Eli lili likumbi, elu hi
lwola. Muze muchili pamo va faifi mokomoko sikisi, muchano
vene vatela kwiza jino. Anuka, ndumbu walunga, ndumbu
wapwevo, Nguli nakutala hali ove vene, Nguli nakumona uze
muwimbimbi wilava kusukama hali ove. Chamwaza wizenga
kaha.

¹⁸³ Kupwa nge Yesu! Kawatondele kupwa nge Ikiye ko,
wakalemesa, wakuholo, wakuvova, wakulinyisa? Kalunga
akukisule, vupu lya lunga. Kalunga akukisule, tata ali na

uze kemba. Kalunga akukisule, ndumbu wapwevo. Kalunga akukisule, sepa mukashili. Echi chakwoloka. Tambuka nakwiza, ndumbu wapwevo, twaya kaha, liwanyine ove lyavene chihela. Kalunga akukisule.

¹⁸⁴ Ndumbu wapwevo wamwaza, ove ukwechi vyavivulu vya kusakwilila. Veka vanasavala vakukashiwa mutuhela, vali nakufwa, oloze ove uli hano nakutambuka kuno, kukamenga. Kalunga akisule muchima wove wamwaza.

¹⁸⁵ Ou Shipilitu Wajila kuhanjika cheka jino. Pihilila nakwalumuka, lila kuli Kalunga hano vene, lomba lilombo lyove. Ove yove walinganga shili, shikaho ove yove watela kulomba. Mulweke Kalunga nge akukonekele ovyo walingile. Kanda kuhaka mangana kuli hiya najinguluka kuli ove. Hanjika kaha, “Kalunga, ngukonekele yami, Kangwa tondele kupwa ngana ko. Ngwatondo kupwa wakalemesa. Kangweshi—Kangweshi kalipika numba kulipika naumweko.”

¹⁸⁶ Ove Kalunga, mamalelo, omwo Ngwakuzanga echi! Tata wa Mwilu, hali wosena wakulihana ali kukamenga jino, vana fukama mambuli avo, na kulomba! Ove Kalunga, echa visemi vamaapwevo, vamaalunga, vana, va tata, va mama, kala vosena vakwavo, twalihata navo, va membala va muliuka, va kakuzata muliuka, vakufwelela muliuka, Ove Kalunga, ha echi kufwatula cha lwola chamwaka, kutwama mukapete muzuma chimene chino, ou Shipilitu Wajila kwiza kuno, kuhanjika kuunda. Ove Kalunga, Ngwatondo kwimana likumbi lize kwivwa Ove kuhanjika, wakalemesa, “Eyo, ove wejile kuno nakungwimanyina ko Yami, jino Nanguya nakukwimanyina ko ove.” Ngwatondo Ove uhake kuunda mumuchima wakala wose ali muno lelo, Kalunga. Mukuhola na kalemesa, Ngwatondo Ove uchilinge echi. Ngwatondo Ove kutambuka muze na kwivwa chosena chize kacheshi kukavasezako, kufuma likumbi lyalelo nakutwalilaho. Echa mazuvo avo apwenga amahya. Echa vathu ava vapwenga vavahya. Echa vyuma vyosena vipwenga vyavihya lelo, mwomwo ava vathu vanalinyisa vavane. Ove ngwovo, “Kachi vathu jami vaze vasanyika ha Lijina Lyami navakalinyisa vavene, na kulomba, kahajino Nangukaya nakuvwevilila kufuma Mwilu.” Kaha Ngunatachikiza Ove muchilinga, chimene chino, Kalunga.

¹⁸⁷ Kaha Ngwalombo kukonekela vaze vanasaleho muvitwamo vyavo, vaze vatelenga kwiza. Kalunga, hanjika kuli vakiko, kaha echa vakiko vahone kupwa nakuunda hano ha mavu palanga vakiko kuvangila vanasakula, Mwata, kwiza na kupwa vakwoloka na Ove. Tuhanecho echi, Mwata. Kisula wosena jino. Echa likoji Lyove na keke Yove yitwame ha mwono wakulihana kaha unafukama muno muliuka chimene chino.

¹⁸⁸ Tata Kalunga, Ngunalingi echi ha kulikata Chove. Ngunasanyika ava vathu; vakiko vanemana. Ove ngwove,

“Wosena owo mwakakwambulula Ami kumeso avathu, ikiye nawa Nanguka mwambulula kumeso a Tata Yami na Vangelo vakujila.” Vavavulu ava hano vanapunga Vakakulishitu mu myaka yayivulu, oloze vakiko kwimana chimene chino na kwambulula jishili javo nge valingile vya kuhenga. Vakiko vanapu vakuhona kuzangiwa. Ou Shipilitu Wajila afumine hali vakiko. Kaha lwola lwaluvulu vanahonenga kwivwa kaze kalemesa, kuyema, kwivwa kuvova chize vakiko vatelanga kwivwa. Vavavulu muli vakiko vali vakashili vaze vaneza mulwola lwa kulivanga. Oloze, Tata, vakiko vanatondo chize kwivwa chamwaza, kuunda chize chinahambakana kwivushisa chosena. Vahanecho vakiko likumbi lya lelo, Mwata Kalunga, kaha echa vakiko hamwe vapwenga vakuzangiwa na kuzala na Shipilitu Yove, omwo navaseza chihela chino lelo, hakuya kumembo akuhandunuka handunuka, vakayoye chiyoyelo cha kuhandunuka na kupwa vathu vaku handunuka. Etu twalombo echi mu Lijina lya Kulishitu.

¹⁸⁹ “Kapete Ku Uze Kaselwoke.” Chosena cha kwoloka, enu muli kukamenga, katukenu, talenu kuli Mwata Kalunga, alumuka kaha limenekenu mumavoko na kala wosena owo nakujinguluka. Mamalelo, etu natuya nakwimba, wosena jino, shimbu etu tunemana hatando yayindende shimbu kanda kutanga cha kuka.

Kapete, kapete, eyo, kuli kapete,
Kuli kapete ku Kaselwoke wa ove;
Kapete, kapete, eyo, kuli kapete,
Kuli kapete ku Kaselwoke wa ove. (Vosena!)

. . . kapete, eyo, kuli kapete,
Kuli kapete ku Kaselwoke wa ove;
Kapete, kapete, eyo, kuli kapete,
Kuli kapete ku Kaselwoke wa ove.

Kapete, kapete, eyo, kuli kapete!
[Ha tepu hampimbi—Muka.]


¹⁹⁰ Lufwelelo! Munatachikiza likumbi likwavo, ndumbu walunga, omwo pwevo lyove—lyove asanyikile, kukulombelela ove? Ayile nakwingila mukapete, kaha Shipilitu Wajila ahanjikile kuli yami, “Kanda kwivwa womako.” Amena. Ikiye keshi wamwenemwene ko? Wamwaza! Chamwaza, vamwalise Mwata! Nguli nakwivwa kaha nge kutambakana kuhasa! Chosena chakwoloka.

Kaha Manyinga Eyi eji kukosa na
kutomesa . . . (Uli na chuma chimwe cha
kuhanjika?)

Yesu eji kulwilanga! . . . ? . . .

¹⁹¹ Chosena chakwoloka, Ndumbu walunga Neville jino. Kaha Ndumbu walunga Slaughter uli na lizu lya kuhanjika.

[Ndumbu walunga Slaughter kuhanjika. Hatepu hapimbi—Muka.]

[Ndumbu walunga Neville ngwenyi, “Yami! Kusakwilila Mwata! Amena! Vamwalisa Kalunga! Ngwafwelela muthu wosena natambula chimene chino.”] Upahu! Heleluya! Haleluya! [Ndumbu walunga Neville kuhanjika, kaha jino ikiye ngwenyi, “Anuka kutangisa ufuku uno, etu tuli na kusanyisa kumahinji na kutanga chakulya mbolo.” Ikiye amuhulile Ndumbu walunga Branham, “Munatachikiza nge nauya nakuhona?”] Nanguya pamo vene kupwa hano ufuku uno, nawa. Eyo, nge omwo Ngunatachikiza, Nanguya nakupwa hano kuvagila vangusanyika kumwe kweka. 

LIUKA NA SETEKO YA CHIYOYELO CHALYO LVE56-0805
(The Church And Its Condition)

KWALA CHA LIUKA

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kukumi ha 5, 1956, mu Mbalaka ya Branham mu Jeffersonville, Indiana, U.S.A, vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org